

# *ŴAHEBERE, CHIPATULO SEVENI* <sup>2</sup>

¶ Wakutumbike iwe! Ine nkughanaghana, chakudankha, ise tiri na bonda muchoko muno, Doc wangundiphalira ine maminiti ghachoko ghajumpha, m'bale wane, m'bale ku thupi, uyo wakhumbanga...wanguwa wakuti timupatulire. Ndipo sono usange wāmama awo wāli na wāna wāwo wāchokowāchoko awo iwo wākukhumba kuti tiwāpatulire kwa Fumu, ise tiwēnge wākukondwa kuwa nawo sono nthena kuti wāfike, wīze nawo wāchokowāchoko wāwo.

<sup>239</sup> Sono, ndipo wānthu wānandi, iwo, icho iwo wākuchema, kuwābapatiza iwo. Mpingo wa Methodist ukuchita, ndipo ine nkugomezga wa Nazarene nawoso. Ine nkupanikizga makora yayi. Yayi. Ine nkughanaghana kuti icho ndicho iwo wākapatukirana, chikawa pa ubapatizo wa wāna, wa Nazarene na wa Free Methodist. Kweni, ndipouli, wānyake wā iwo, iwo wākuchita chinthu chimoza na chinyake. Kweni, ndipo wānyake wā iwo wākuthira maji pachoko pa iwo. Wānyake wākuwāwazgira iwo. Ndipo, kweni ise nyengo zose tikuyezga kukhala waka kufupi ku Baibolo umo ise tikumanyira. Sono, mulije Lemba mu Baibolo lakuti bonda wawazgirikire, nesi lirimo Lemba mu Baibolo lakuti munthu munyake wakawazgirikire. Ndi chinthu cha m'Malemba yayi. Ndi dongosolo la mpingo wa Katolika.

<sup>240</sup> Kweni iwo—kweni iwo wākuchita, wākiza...Iwo wākiza na wābonda wāchokowāchoko kwa Yesu. Ndipo—ndipo ise tikumuyimira Iyo. Ise tikukhumba kuti tichite chinthu chenechira icho Iyo wakachita. Iyo wakaŵika mawoko Ghake pa iwo ndipo—ndipo wakaŵatumbika iwo, ndipo wakati, “Wazomerezgeni wāna wāchokowāchoko kuti wīze kwa Ine, ndipo kuwākanizga yayi iwo, pakuti Ufumu wa Kuchanya ngwa wāntheura.” Ndipo icho ndicho ise tikurutirizga kuchita pano pa kachisi, apo ise tikuyezga kurutirizga Baibolo leneko, nthowa yakupatulika, yiweme chomene umo ise tikumanya kuchitira.

<sup>241</sup> Ntheura sono, usange mama yura, panji wāmama wānyake awo wāli na wāna wāwo wāchokowāchoko kuti tiwāpatulire, apo Mlongosi Gertie wakuyimba *Zanine Nawo*, chifukwa, imwe mwize nawo ku guwa. M'bale ndipo ine nikhirenge na kuwāpatulira wāna wāchokowāchoko kwa Fumu. Viri makora.

M'bale Neville...[Pa tepi palije kalikose—Munozgi]

<sup>242</sup> Yewo, Mlongosi Gertie. Ichō ntchiweme chomene. Kasi mbalinga wākutemwa wāna wāchokowāchoko? Usange imwe mukuchita yayi, chiripo chinyake chakwanangika na imwe, chiripo chinyake chakwanangika.

<sup>243</sup> Sono, usiku uwu, sono tinjirenge mu visopo vinyake vyose. Ise...ntchifukwa icho ine nangupumurapo usiku uwu kamozaso. Nyengo zinandi pa mazuwa agha para ise tiri na visopo vya machirisko, ine nkhutora waka pafupifupi dazi limoza, chifukwa ichi chikundipa ine kunjenjema kukuru. Imwe mukumanya yayi ichi. Ndipo kuno kunyumba chikunisuzga mwakwandaniska kaŵiri kuruska kunyake kulikose.

<sup>244</sup> Ndipo ine naphepiskanga chifukwa cha kunangiska kwantheura umo ine nanguchitira na ichi mlenji uwu. Kweni chinthu chakudankha changunditangwaniska ine, ndi para Billy wangwiza kundiphalira ine kuti iyo wangusanga wānthu wānandi yayi kuti waŵape makadi gha pemphero. Iyo wangupereka waka pafupifupi thweluvu panji fotini. Ndipo iyo wanguwa na...Palije munthu wakhumbanga makadi gha pemphero. Ine nkhusachizga kuti chirichose changuwa waka makora. Ntheura pamanyuma, na icho, ine nangughanaghanapo yayi...Ndipo ntheura para ine nanguti nayamba kuchema makadi ghara gha pemphero, Ine nangughanaghana kuti nditorenge ghose teni panji thweluvu, panji ghalighose agho ghanguwa mwenemula. Nangughachema igho. Ine nangufika ku nambala yinyake, yinyake, ndipo ili langusangika yayi. Ndipo ine nanguchema. Ili langusangika yayi. Ndipo ine nangughanaghanapo yayi za iyi kufikira Mrs. Wood wangunichema ine. Iyo wanguti, "M'bale Branham, Billy wakutora makadi agha na kughasazga pamoza igho, ndipo wakughapereka waka igho. Iyo panyake wangaŵa nalo la nambala firii lira," (wangaŵa nalo yayi ili?) "nambala firii mu thumba lake."

<sup>245</sup> Nadi, iyo kenekanandi wakupereka ghose fifite. Para iyo wakwiza nagho panthazi pa wānthu, iyo wakughasazga waka igho. Ntheura waliyose...Ntha wākuti, "Ndipase nambala wanu." Panji, ise panyake ntha tiyambirenge pa nambala wanu. Ise panyake tingayambira pa fifite, imwe mukumanya yayi, na kuwerera kumanyuma. Ise panyake tingayambira pa eyiti na kurutirira kukweranga. Panyake tingayambira pa twente na kukweranga. Ise tikumanya yayi. Kweni iyo wakughasazga waka igho na kughapereka igho ku wānthu umo iwo wākughakhumbira igho. Ndipo ine, kwambura kughanaghanako mlenji uwu, ine panyake nanguchema foru panji fayivi ghakusazgirapo, ndipo igho ghati ghawenjepo yayi penepara, chifukwa ili panyake lati liŵenge kunthazi mu matwente panji masate kumalo kunyake, imwe wonani. Ndipo, ntheura, kweni Fumu yangunozga ichi, kweni ichi ntha chikwenera kuŵa—kupanikizga kweneko ku ichi, ngati ndiumo ichi chikuchitira para ndiri kukaya yayi. Ine panyake nichiezgenge yayi ichi—kuchiiezga ichi kamozaso.

<sup>246</sup> Kweni, kuno ntha kale chomene, ine nkharonba Fumu usange Iyo wangatipa ise ungano uweme, icho ine nkhapangana

kuti ine—ine ndimurombengeso yayi Iyo icho, chifukwa ichi chiri kuŵa chinthu chinonono. Ndipo ichi ndi ntchakususkana na Malemba. Mukuwona? Ndipo usange imwe... Icho ndicho chikupangiska ichi kuŵa chinonono pa ine. Chifukwa, pakumanya kuti, ichi chikundipa ine a—kugonja, kwamba na kwamba. Mukuwona? Ine nkugonja, kwamba na kwamba.

<sup>247</sup> Ndipouli, munyake wangufonera munyake kumuhanaya uku. Mrs. Wood wangufonereka na munyake. Ndipo wanguyowoya, kuti, “Munyake mu tchalitchi wangufonereka mlenji uwu, za mwanarumi uyo chomene, wakarwara chomene, uyo wangwiza kwa Khristu kumuhanaya uku, pamanyuma.” Kuti a—mwanarumi uyo wakarwara chomene wangwiza kwa Khristu.

<sup>248</sup> Ndipo chinthu chinyake, Mrs. Wood wangundiphalira ine kuti ine nkhayowoya kwa mukulu wake, mukulu mulara, kuti ine nadi nkhaŵa mu nyumba yake dazi linyake ndipo nkarya chakurya chakumise pamoza na iyo, panji chakurya chakugonera pamoza na iyo, kusika mu Kentucky. Ndipo Chiuta Mwenenkongono wakumanya kuti ine nkhamumanya yayi mwanakazi yura. Mukuwona? Uwo mbunenesko. Mbwenu... Mboniwoni zikujilamulira zekha. Ise tikumanya yayi umo izi ziyyenderenge panji icho chichitikenge. Ichi chiri kwa Chiuta, na icho—icho chikuchitika. Kweni ine nangumanya, mu kuŵalindizganga iwo, kulindizganga kula.

<sup>249</sup> Ndipo dazi linyake para msungwana muchoko uyu wakâwa muno, uyo wakenera kuti pachitike kusanda, cheneicho ine, nth... Wonani, usange Chiuta wangapereka icho ku charu chose, ichi mbwenu chiwenge chiweme; kweni usange ichi chikâwako, ichi chikâwa chakususkana na icho Iyo wakandiphalira ine kusirya kwa msewu uku, imwe wonani, virimika vichoko vyajumpha. Ndipo ise tikakhumbanga kusimikizga kuti ula ukâwa unenesko, na kuwuphalira mpingo, pakuŵa kuti chikâwa kuno, kuchiwona ichi. Ndipo ntheura ine nakhachema yura Mrs. Snyder. Mlongosi Snyder. Iyo wali muno pamalo ghanyake. Iyo ngwakusuzgikirako pachoko kupulika. Ndipo dona muchoko wakayowoya ichi mwapasipasi, ndipo wakati, “Iwe uli na nyamakazi,” panji kuphwanya viwangwa, chinyake ngati icho.

<sup>250</sup> Cheneicho, ine nkhamanya chikâwa chiwuno chakuphyoka. Ndipo ntheura, ndipo pamanyuma Mzimu Mutuŵa wanguvumbura icho mlenji uwu. Mukuwona?

<sup>251</sup> Sono, icho chiriko, ndi chawanangwa Chauzimu, ndipo ichi chikugwira ntchito mwa kujilamulira ichochekha. Kweni icho chikupangiska ichi kuŵa chinonono chomene muno mu msumba, mu unenesko, ine—ine nkukoreka, nyengo yose, mu kuromberanga ūwarwari kuno. Panji—panji... Ine ndiyambenge, kuŵaphalira ūanthu ichi. Ine ndiyambenge, kuyowoya, “Sono Fumu yakuchizga iwe. Yesu wakakuchizga

iwe para Iyo wakakufwira iwe, virimika nayintini handiredi vyajumpha. Nkhanira penepera iwe ukachizgika. Sono, umo Chiuta wakumanyira, umo Khristu wakumanyira, iwe ukachizgika, virimika nayintini handiredi vyajumpha. Nthenda yako yikamara. Chikutorera chipulikano chako kuti chichite ichi.”

<sup>252</sup> Ndipo pamanyuma munthu yura wangamanya kuruta uku na uko ndipo nthia kuchira. Pamanyuma munthu wakwiza, wakuti, “M'bale Branham wangundiphalira ine kuti ine nkachira.” Mukuwona? Ine nkhumuphalirani imwe icho Chiuta wakayowoya.

<sup>253</sup> Sono, para ichi chayowoyeka kurunjika kwa munthu, mwakurunjika, “Ichi ndi WAKUTI YEHOVA,” pa chinthu chinyake icho chichitikenge. Icho chisimikizgirenge kwa iwe nkhanira penepapo kuti machirisko ghako ghalipo kale. Chipulikano chako chadidimizga ichi. Mukuwona? Phangano ndako. Ndi mazgu ghane yayi. Ndi Mazgu gha Chiuta, kuti iwe ukachizgika kale. Mukuwona? Kweni iwe mbwenu... Munthowa yinyake, ine—ine nkutondeka kupanga ichi kuti chinjire, ku wabale kuno mu Jeffersonville. Ine—ine nkutondeka kupanga ichi kuti chichitike. Ine nkhumanya. Ine ndiyezgenge kurongosora icho makora waka umo ine ningachitira, ndipo ichi mbwenu—ichi mbwenu chichitikenge yayi. Mbwenu kwamara. Ine nkuti...

<sup>254</sup> Kuno, kale chomene yayi, ine nkharuta ku nyumba, kwa mwanarumi, ndipo mwanarumi wakafwanga. Ndipo iwo wakandifonera ine, “Zanga, uzakamurombere iyo. Dokotala wakati iyo wakhallenge wamoyo yayi kufika mlenji.”

<sup>255</sup> Ine nkhanjira. Ndipo mwanarumi mwanichi wakayowoya kwa ine, “Mr. Branham, ine nkukhumbu yayi kufwa.” Chifukwa, nadi mwanarumi mwanichi wakakhumba yayi. Iyo wakaŵa na banja la wana wâwiri kula.

<sup>256</sup> Enya, ine nkaghaganaghana. Ine nkhati, “Sono, wona, kasi dokotala wako ndinjani?” Iyo wakandiphalira ine. Ine nkhati, “Sono, dokotala panyake wakayowoya kuti iwe ukati—iwe utifwenge, kweni Chiuta wachali wandaloyoye kuti iwe utifwenge.” Ine nkhati, “Sono, kwakulingana na Baibolo, iwe ukachizgika kale, chifukwa Yesu wakafwira machirisko ghako.”

<sup>257</sup> Iyo wakati, “Kasi iwe ukugomezga kuti ine ndiŵenye makora?”

<sup>258</sup> Ine nkhati, “Ine mwakufikapo nkugomezga ichi.”

<sup>259</sup> Enya, usange ine nkharuta kukamurombera mwanarumi, ndipo nthia nkagwiriska ntchito chipulikano cha mtundu ula, kuti ndimugomezgere iyo; usange ine nkuti, “O, yayi, yayi, usange dokotala wakayowoya kuti iwe utifwenge, iwe utifwenge. Mbwenu kwamara sono.” Sono, kasi yura wangawâ munthu munyake kuti wafike wazakarombere murwari? Ine

ningamukhumba yayi munthu yura mu nyumba yane, kuti wandirombere ine. Ine nkhukhumba munyake uyo, nangauli iyo wakachiwona yayi ichi, panji yayi, iyo watorenge chipulikano na kuyimirira pa phangano m'malo mwa ine. Uwo mbunenesko. Ndipo ine nkhati...iyo...

<sup>260</sup> Ise tikaruta ndipo tikawâ na lurombo. Ine nkhati, “Sono khwima mtima.”

<sup>261</sup> Iyo wakati, “Kasi iwe ukung'anamura kuti ine ndichirenge?”

<sup>262</sup> Ine nkhati, “Chifukwa, nadi. Mazgu gha Chiuta ghakati iwe uchirenge. Wonani, ‘Usange iwe ungagomezga, vinthu vyose ndi vyamachitiko.’”

<sup>263</sup> Iyo wakati, “Viri makora, ine ndigomezgenge Ichi.” Ndipo wakaruta kuwaro ndipo wakayowoya kwa muwoli wake kuti . . .

<sup>264</sup> “Mwanarumi wakufwa, wakufwa yayi iyo?”

<sup>265</sup> “Enya, iyo wakufwa.” Ndipo ntheura dazi lakurondezgako, mwanarumi wakafwa, panji mazuŵa ghangapo pamanyuma pa icho.

<sup>266</sup> Ntheura mwanakazi uyu wakuruta kuwaro ndipo wakuyamba kumwa na kuchitanga viheni. Ndipo yumoza wa madikoni, ine nkugomezga wakaŵa, wa mpingo uwu, wakaruta kwa mwanakazi ndipo wakamufumba iyo usange iyo wangawerako na kuwerera ku tchalitchi. Iyo wakati, “Ine nigomezgenge munthu yayi. Mupharazgi Branham wakiza kuno ndipo wakamurombera mfumu wane, wakati iyo waŵenje wamoyo, ndipo iyo wakafwa mu mazuŵa ghawiri panji ghatatu pamanyuma. Ntheura, ine ningagomezga yayi.” Sono iyo wakufwa. Viri makora.

<sup>267</sup> Kweni, ndipouli, imwe wonani, chikuwoneska waka kuti ūanthu ntha ūakuŵikako zeru ku icho iwe ukuyowoya. Mukuwona? Nadi. Usange ine nkharambera munthu, ndipo ine—ine nkhuŵaphalira ūanthu ūara kuti iwo ūaŵenje ūamoyo. Ine nkugomezga iwo ūaŵenje ūamoyo. Kweni, palije kanthu, usange mazgu ghane ghanguŵa mwakufikapo WAKUTI YEHOVA, ndipo iwe ukayikenge Ichi, iwe utifwenge, munthowa yiriyose. Nadi. Apa pali WAKUTI YEHOVA, ndipo ūanandi ūa iwo ūakupokera Ichi ndipo ūakufwa. Ūanandi ūa iwo ūakuruta ku gehena, para, ūAKUTI YEHOVA, “Iwe ntha ukwenera kuchita.” Ndi unenesko uwo? Nadi. Mukuwona? Ichi ndi icho . . . Chose chagona pa chipulikano chako.

<sup>268</sup> M'bale Collins, ine nkhukayika usange iyo wafika usiku uwu. Kweni nategherezganga kwa iyo mlenji uwu, iyo wangupereka mazgu ghankhongono chomene pa icho. Mukuwona? Mukuwona? Iyo wanguchita. Iyo wangutî, “Sono, chipulikano chenechira icho imwe muli nacho pachanya apa, imwe muŵe nacho icho kuwaro uko. Chifukwa, ndi chipulikano chako pawekha, ntha mu bungwe lako, kweni mwa Khristu. Iwe

ukwenera kuti uwe nacho chipulikano icho.” Uwo mbunenesko ndendende. Nadi.

<sup>269</sup> Ndipo machirisko Ghauzimu ghagona pa chipulikano chako. Kweni kwakulingana na Mazgu gha Chiuta, WAKUTI YEHOVA, kuti munthu waliyose wakachizgika para Yesu wakafwa pa Mphinjika, “Iyo wakapwetekera chifukwa cha kwananga kwithu, na vitimbo Vyake ise *tikachizgika*.” Mbunenesko uwo? Ise *tikachizgika*. Baibolo likati, “Imwe mukachizgika.” Ntheura rekani kusanga chifukwa na ine, ine ndine waka mupharazgi wa Mazgu. Imwe rutani mukamuphalire Chiuta kuti Iyo wakayowoya chinyake chakwanangika, ndipo Chiuta wamkumuphalirani imwe apo pali kufoka kwinu. Mukuwona? Ntheura, ndi chipulikano chako. Yesu wakati, “Usange iwe ungagomezga. Usange iwe ungagomezga.”

<sup>270</sup> Sono, para iwe ukupulika Mzimu Mutuwa wakhozgera chipulikano chako na kusimikizgira ichi, ndipo wakati, “WAKUTI YEHOVA, ‘Namachero pa nyengo *yinyake* iyi, iwe uzamkuwa na chinthu *chinyake*. Chinthu *chinyake* chizamkuchitika. Ichi chizamkuwa kudera uku munthowa *yinyake*, ndipo iwe wamkukumana na chinthu *chinyake* uku. Icho chizamkuwa chimanyikwi kwa iwe.’” Sono, iwe uchiwone icho. Iyo ndi ntchito yakumalizgika, nkhanira apa sono.

<sup>271</sup> Kweni para ichi chafika pa kuyowoya machirisko Ghauzimu, Ine nkuyenera kuwika machirisko Ghauzimu pa chikhazi chenechira, cha kachitiro ako, ngati chiponosko. Waliyose wa imwe, palije kanthu kwali imwe muli kuchita vichi, imwe muli kuponoskeka kufumia apo Yesu wakafwira, chifukwa Iyo wakafwa kuti wafumiskepo zakwananga za charu. Kweni ichi chikuchitirenge chiweme chirichose yayi iwe mpaka iwe wamwene uchizomere ichi ndipo chikuchitikire ichi. Kweni kuyowoya za zakwananga zako, izi zikugowokerekwa kale. Uwo mbunenesko. Iyo . . . “Wonani Mwanamberere wa Chiuta uyo wakuwuskako zakwananga za charu.” Mukuwona? Apo imwe muli. Sono kumbukirani icho.

<sup>272</sup> Sono, ine nkhumanya kuti mu kusambizga, mu Malemba, ise ndise gulu lakusakanikirana. Ndipo nyengo zinandi, mu Buku ili la Wahebere, leneilo ndi Buku lakuzama . . . Ine nkuyenera kuti ndichileke ichi pa kanyengo sono. Ine ndiyezgenge usiku uwu kuti ndimalizge chigawa chaumaliro chira cha chipatulo 7.

<sup>273</sup> Ndipo sono muli mafumbo ghanandi mu malingaliro ghinu, kwambura nkhayiko. Wanandi wa imwe muli na mafumbo, ndipo ine ningawa nagho, naneso. Sono, nyengo yinyake, para Fumu yazomerezga, para ine nkhwiza . . .

<sup>274</sup> Ine nkhiruta ku Michigan sono. Ndipo pamanyuma, kufuma ku Michigan, ine nkhiruta ku Colorado. Ndipo kufuma ku Colorado, ku Mphaka za Kuzambwe. Sono—sono, para ise tafika, para Fumu yazomerezga . . . Sono, ine nkhumanya yayi.

Usange ine ndiŵenge mu Chicago yayi, pa Sabata, ine panyake ndizamkuŵa kuno pa Sabata yikwiza usiku.

<sup>275</sup> Sono ise tamukhalika mliska withu kuwaro kwa gome kuno pa masabata pafupifupi sikisi, mu ghose agha—agha—agha, Buku ili kuno. Mukuwona? Sono ise... Ine nkhutemwa yayi kuchita icho. M'bale Neville ndi wachitemwa, muweme, m'bale wachisungusungu. Ndipo ine ndiri na chigomezgo kuti mpingo uwu ukumutemwa M'bale Neville.

<sup>276</sup> Apo tikurutirira, apo ine nkuyowoya, munyake, muno mu charu ichi kumalo kunyake, wali na mlandu wa kulemba makadi ghanyake, kuti wāmufumiskepo M'bale Neville pa gome ili. Iwe ukwenera kuti unozge icho na ine. Uh-huh. Uwo mbunenesko. Uh-huh. Enya, mwakufikapo. Sono, ine nkhukhumba imwe... Wakati diko... chinyake za gulu la madikoni. Gulu la madikoni lirije chinthu chimoza chakuchita na mliska yura. Yayi, bwana. Mpingo, mu uzari wose, uli na mazaza ghose. Ntha ndi... Gulu la madikoni ndi wāpolisi waka muno mu tchalitchi ili, kuti wāsungiske waka dongsolo na vinyake nttheura. Kweni para ichi chafika ku marango, mpingo wose ukwenera kuti uyowoyepo. Mpingo uwu uli kuzengeka pa ulamuliro wa mpingo pawekha. Ipo, ine ndirije chakuyowoya za kumufumiskapo mliska uyu, panji kuŵikamo yumoza munyake. Ine ndine mweneko wa katundu; uyu wakuperekka ku mpingo. Imwe mose ndimwe mpingo. Imwe mwāwanthu ndimwe mukulamulira. Imwe ndimwe mpingo, mwāwene. Ndipo Mpingo, Mpingo utuŵa wa Chiuta ndi ulamuliro, wa Mzimu Mutuŵa mu Mpingo ula. Ndipo chinthu chimoza pera ine nkhuchita ndi kuŵa mweneko wa katundu, kumuperekka uyu ku mpingo uwu, umo nkuperekera uyu kuŵa wa mpingo, ndipo palije kudumurapo msonkho. Ndipo mpingo ukusankha ūaliska ūawo na ūawo. Ine ndirije chakuchita na ichi. Ndipo nthowa yimoza pera iyo mliska uyu wangafumirapo, yiŵenge yakuti mliska iyomwene kugamura kuti wafumepo, panji mavoti ghanandi gha mpingo ghayowoye kuti, "Tisinthe mliska." Ndiyo nthowa yekha pera. Kulije gulu la madikoni lingachita ichi. Gulu la madikoni likusungiska waka dongsolo na vinthu mu mpingo.

<sup>277</sup> Mathrastii, iwo ūalije chakuchita na ichi, kweni kunozga waka tchalitchi. Ndipo iwo ūangachita yayi ichi mpaka paŵe a... Gulu lose la mathrastii likumane na kuti, "Ise tizengenge ichi, panji ise tichitenge icho." Pamanyuma iwo ūakwenera kufumba msungichuma usange iwo ūali na ndalamu zakuti ūachitire ichi. Enya, bwana.

<sup>278</sup> Kweni usange pali dandaulo lirilose kwimikana na membara waliyose, usange membara wali na dandaulo kwimikana yumoza na munyake, panji chinyake chanangika, iwe ukwenera kuti urute kwa m'bale yura, wamwene, ndipo ukayowoye nayo, iwe na iyo mbwenu. Nttheura usange iwo ūachipokererenga yayi ichi, nttheura chinthu chakurondezgako chikuchitika, iwe

utore yumoza wa madikoni panji munyake, ndipo warute nawe kwa m'bale yura. Ntheura usange iyo wamkumupokererani yayi imwe, ntheura imwe mwize muzakaphale ichi ku mpingo. Ntheura usange mpingo... Ntheura usange iyo waupulikirenge yayi mpingo, ntheura Baibolo likati, "Warekeni iwo wâwé ngati wambura kugomezga na wamsonkho." Uwo mbunenesko.

<sup>279</sup> Ndipo munthu waliyose uyo wakumanya munthu wakwananga, ndipo iwe ukuruta yayi kwa iwo na kukayowoyeskana, ntheura iwe ndiwe gawo la mpingo wa Chiuta uyo wamkuzgora chifukwa cha kwananga kula. Uwo mbunenesko.

<sup>280</sup> Ndipo usange munthu munyake wali na-dandaulo kwimikana na dikoni, panji kwimikana na dikoni panji munyake mu mpingo, chikutorera wânthu wâtatü. Wânthu wâtatü wafike na cuti, wachitire ukaboni, mlomo wa wâkaboni wâwîri panji wâtatü. Wafike wâmuphalire mliska kuti pali dandaulo kwimikana na dikoni. Ntheura usange pali dandaulo kwimikana na dikoni, dikoni nthâ ndi-mwanarumi murunji, a-mwanarumi wakufikapo. Iyo wakwenera kusunga udindo wa udikoni, wambura chifukwa, ndipo pamanyuma wasangike wambura chifukwa. Ndipo usange gulu lira lasanga kuti dikoni yura wakusunga makora yayi udindo ula, iyo wakutora wâtatü pamoza na iyo ndipo wakuruta na ichi kwa mliska. Dikoni yura wakufumbika kukhala kunyumba usiku ula. Ndipo ntheura mliska kufumira... wakwiza na kuchemera mpingo pamoza, wakuwuphalira dandaulo. Ndipo usange mpingo wavota kuti dikoni warutirire, dikoni wakurutirira. Usange iyo wa-... wavota kuti dikoni wareke, iwo wâkusankha dikoni muphyia usiku weneula. Mukuwona?

<sup>281</sup> Ipo, kulije munthu yumoza wali na chakuchita mu ichi. Ndi mzinda wa wânthu. Enya, bwana. Usange twente wâmu votera iyo, ndipo twente-wanu wâmukana iyo, iyo wakuruta; panji, wakukhalirira. Mukuwona? Ichi ndi, ndi ulamuliro wa mpingo pawekha ndipo, pamanyuma, waliyose wa mamembara wali na chakuyowoya mu mpingo. Chinyake chachitika, chanangika, ntheura iwo wângamanya kukumana pamoza, ndipo chinthu chimoza pera iwo wâkwenera kuchita ndi kuâ panthazi pa Chiuta kuti iwo mwakufikapo wâwoneseske kuti paâvaye chinyake chikutondeska kuchitachita kwa mpingo.

<sup>282</sup> Kweni uzari na mazaza ghose gha mpingo ndi mliska. Wâzgani icho mu Baibolo, muwone usange ilo nthâ ndi dongosolo la Baibolo. Uwo mbunenesko ndendende. Kulije munyake pachanya pa mulara. Ine ndirije chakuchita na icho M'bale Neville wakuchita muno. Icho chirî kwa imwe na M'bale Neville. Usange M'bale Neville wakakhumbenge kupharazga chisambizgo cha Mboni za Yehova, icho chirî kwa iyo na imwe. Mukuwona? Usange iyo wakakhumbenge kupharazga chinyake icho iyo wakakhumbenge, icho chirî pakatikati pa imwe na

iyo. Mbwenu kwamara. Usange mpingo wamusankhiramo iyo mwenemula, kuti wapharazge icho, icho chiri makora. Icho chiri kwa iyo.

<sup>283</sup> Chinthu chimoza pera icho ine nkhuchita, ndi kuŵa mweneko wa katundu. Ndipo usange chinthu chinyake chachitika, kuti chiri ngati kumufumiskapo mliska, ndipo ūakukhumba kuti ūapange mavoti pa icho, imwe mungafumba dikoni yayi kuti wachite icho. Imwe mbwenu mwizenge kuzakafumba ine. Ine mbwenu nipharenge, kuti, “Usange imwe mukukhumba kuti mumufumiskepo mliska, ndiphalireni chifukwa. Kasi iyo wachita chinyake?”

<sup>284</sup> “Enya. Ise tikamukora iyo, walowera.” Panji, “Ise tikamukora iyo wakuchita *ichi*, panji wakachitanga chinyake icho chikâwa makora yayi.”

<sup>285</sup> “Kasi imwe muli na ūakaboni ūwatatu ūa *ichi*? ”

<sup>286</sup> “Enya. Ise tiri nawo.”

<sup>287</sup> Ūakaboni ūara chakudankha ūakwenera kuti ūafumbike. “Kupokerera dandaulo lirilose yayi lakwimikana na mulara pekhapekha paŵe ūakaboni ūawiri panji ūatatu, ndipo chakudankha rekani iwo ūasimikizgike; kwimikana na mulara.” Pamanyuma imwe mukwenera kuti mulumbire *ichi*, kuti imwe mukachiwona *ichi*; ndipo musimikizgire *ichi*, kuti imwe mukachiwona *ichi*.

<sup>288</sup> Ndipo pamanyuma, usange imwe mukachita, nttheura kwananga kula kukuchenyeka pakweru, kuti, “Uku ndi kwananga.” Pamanyuma mukuti, “Mpingo, kasi imwe mukukhumba kusintha mliska winu?”

<sup>289</sup> Ndipo usange mpingo wavota, “Mugowokereni iyo, ndipo rekani iyo warutirire,” umo ndimo *ichi* chikwenera kuti chichitikire. Mukuwona? Icho, ntchiweme yayi icho? Kasi umo ndimo tiyendeskerenge mpingo yayi? Icho ndicho Baibolo likayowoya. Ise tirije mabishopu na ūalamuliri, na ūakuruŵakuru na ūanyake nttheura, ūakuŵikapo *uyu* ndipo ūali na mazaza ghakuru. Palije munyake wali na mazaza muno kweni Mzimu Mutuŵa. Uwo mbunenesko. Iyo ndiyo wakufumiskapo. Ndipo ise tikumutore Iyo ngati mzinda wa wantru, umo wantru ūakuchitira.

<sup>290</sup> Ndipo nttheura usange chigâwa chimoza chikukhumba kuchita *ichi*, ndipo chigâwa chinyake chikukhumba kuchita *icho*, ndipo chigâwa chawina, chigâwa chakutondeka, kasi iwo ūakuchita vichi za *ichi*? Kujoyinana waka pamoza na ūanyake wose, kuti, “Ise tangunangiska, nttheura. Ise tiwenge namwe, chifukwa Mzimu Mutuŵa wapanga chisankho icho.” Mukuwona? Uwo mbunenesko ndendende.

<sup>291</sup> Ngati ūa Democrat na ūa Republican, malinga ise tikuyimirira ngati wanangwa, ngati ūina America. Usange ūa

Democrat wali m̄kati, wā Republican w̄ayendenge nkhanira pamoza na iwo; wā Republican wali m̄kati, wā Democrat w̄ayendenge nawo. Mukuwona? Icho ndicho ndendende chikutipanga ise fuko. Para ise tikuwa icho, ise tikuwa wanangwa withu. Uwo mbunenesko. Wa Democrat wakuti, “Ine ndichitenge chirichose yayi; wa Republican wakaŵa m̄kati.” Pamanyuma ise tikuwa. Ine ndine wa ku Kentucky: pamoza ise tikuylimilira, ndipo w̄akugawikana ise tikuwa.

<sup>292</sup> Sono, usange muli chinyake chakwanangika mu mpingo icho imwe mukumanya, munyake yumoza panji munthu munyake panji chirichose, iwe ndiwe wakukakamizgika ndipo wamkuzgora panthazi pa Chiuta usange iwe ukunozga yayi icho; iwe, mpingo. Sono, kumbukirani, ichi chiri pa mapewa ghane yayi. Ichi chiri pa ghako. Ndipo chirichose chakwanangika mu mpingo, Chiuta wamkukupanga iwe ukazgore pa ichi. Uwo mbunenesko. Umo ndimo Iyo wakwendeskera mpingo Wake. Umo ndimo ichi chiliri mu Baibolo. Ilo ndi dongsolo la Baibolo. Uwo ndi ulamuliro wa mpingo pawekha. Mliska ndi mutu. Uwo mbunenesko. Amen.

<sup>293</sup> Sono, kufika ku wakutumbikika uwu, Uthenga wakale kuno. Imwe, sono ine nkukhumba kuti imwe mumanye icho. Uwu ukujambulika pa tepi, kumbukirani, Uthenga uwu. Ndipo ghakujamburika pa tepi gha mpingo, madangosolo na marango gha mpingo, ivi viri pa tepi yakujamburika. Icho ndi kwakulingana na Baibolo. Ndise yayi tikwendeska uwu; mulije waliyose mu ulamuliro. Yayi. Tose, ise tose tikuyana. Kweni, ise tiri na murongozgi, uyo ndi mliska, malinga iyo wakurongozgeka na Mzimu Mutuwā. Mbunenesko. Viri makora.

<sup>294</sup> Sono, umu, muŵenge mafumbo ghanandi chomene. Ntheura nyengo yinyake kuti iwo w̄akulengeza, ndipo M'bale Neville waŵika pa rediyo kuti ine nditiŵenge kuno, imwe mulembe fumbo linu, mwakuti imwe na ine tingamanya kukambirana ichi pamoza. Muchitenge imwe? Viri makora.

<sup>295</sup> Ine nkhumanya ndiri kusambizga pa kuzizipizga kwa w̄atuŵa. Ine ndiri kusambizga pa Uchiuta ukuru wa Yesu. Ine ndiri kusambizga pa chiyikiliro cha wakugomezga, na kwimikirathu, kusankhikirathu, na vinandi vyā vinthu ivyo. Cheneicho, ine nkhumanya, mu mpingo wane muli w̄amaramuro w̄anandi, cheneicho chiri makora waka. Mwakufikapo. Kweni, sono, vinthu, ine ndine wamaramuro, naneso, ndipo ndine wa Calvinist. Ine nkugomezga waka Baibolo. Mbwenu kwamara.

<sup>296</sup> Sono, usange ghanyake gha igho, mafumbo. Ndipo ine ndiri kusambizga pa maukaboni, vyakunyereneska, na vinyake ntheura, na vinthu vyose ivyo imwe panyake mukasuskana navyo. Ntheura umoza wa mausiku agha, panyake, tiyenī tipange ichi . . .

Kasi iwe ukuchimbilira chomene kuti uzakakhözgere kuno?  
[M'bale Neville wakuti, "Yayi."—Munozgi]

Tiyeni tipange ichi pa Chitatu usiku, pa Chitatu chikwiza ichi usiku, ntheura ine—ine nkughanaghana kuti ine—ine ningamanya kuwa na icho pamanyuma. Mwize nalo fumbo linu pa Chitatu usiku, muzakaliwike ili muno pa gome, ndipo liwe fumbo la Baibolo, viri makora, za icho ine nakhala nkhusambizga sono. Ndipo pa Chitatu usiku. Ndipo ntheura kufika pa Sabata yikwiza, ntheura, ine nkughanaghana kuti ine—ine nkuyenera kuzakawa mu Chicago, munthowa yiriyose. Ndipo pakufuma kula ine nkhoruta ku Michigan. Para Fumu yazomerezga, ine ndizamkuwa kuno pa Chitatu usiku, kuti ndiyezge kuzakazgora fumbo makora chomene umo ine ningachitira. Ndipo sono Fumu yitilengere lusungu.

Sono tiyeni ise tisindamiske mutu withu, pa kanyengo waka.

<sup>297</sup> Sono, Fumu yakutumbikika, ichi ndi chuma Chinu chikuru. Ndi mpingo Winu. Ndimwe, Fumu, uyo wakwenda, ndipo ise tikukhumba kuti tiyende umo Mzimu wa Chiuta ukutisunthira ise. Ndipo ise tikuromba sono kuti Imwe mutitumbikenge ise. Ndipo apo ise tikuwerezgapo Uthenga uwu, na kunjira mu vinthu vyakuzama ivi, ise tikuromba kuti Mzimu Mutuwa wavumburenge ivi kwa ise umo ise tikusowekera. Pakuti ise tikuromba ichi mu Zina Lake. Amen.

<sup>298</sup> Sono, o, ine... Buku ili la Ŵahebere, ine nkulichindika ngati limoza la Mabuku ghakuru.

<sup>299</sup> Kanyengo kachoko kunthazi, panyake kungazakawa kuti ine—ine ndiri... nkhoruta kusirya kwa nyanja, cheneicho kuti, usange Chiuta wazomerezga, ine ndiwenge kuti nkhoruta mwasonosono. Ine nkuyenera kuti ndirute ku Africa kwakulingana na mboniwoni. Ine nkughanaghana kuti vinyiyenderenge makora viwe yayi mu maungano ghane mpaka ine ndirute ku Africa na kukwaniriska mboniwoni yira. Sono, pamanyuma, iyo panyake yizamkuwa nyengo yikwiza iyi yakuphuka.

<sup>300</sup> Kweni pakatikati pa nyengo yira, ine nkukhumba kuzakatora buku linyake limoza kufuma mu Buku la Ŵahebere, ndiko kuti, chipatulo 11 cha Ŵahebere, na kukhala pafupifupi sabata mu chipatulo chira cha 11, na kutora yumozayumoza wa nkharo zira panji wantru, na kuwoneska nkharo zawo. Mukuwona? "Mwa chipulikano, Nowa," pamanyuma kutora umoyo wa Nowa. "Mwa chipulikano, Abraham," pamanyuma kutora umoyo wa Abraham. "Mwa chipulikano, Abel," pamanyuma kutora umoyo wa Abel. Mukuwona? Na kuchirongosora icho. Kasi imwe mungatemwa icho? [Gulu likuti, "Amen."—Munozgi] O, icho chingawa makora, ise tikutora Baibolo lose pamanyuma. Ndipo pamanyuma ise tizamuezga icho, panyake, panyake umu, mwakuyezgerera, sabata panji

mazuwa teni gha maungano, ungano waka umoza nkhanira pamanyuma pa unyake, ngati mu chisisimus ntheura, nyengo yinyake chamudera mu maholide gha Khrisimasi, panji chinyake ngati icho, para Fumu yazomerezga.

<sup>301</sup> Sono, mu chipatulo 7 cha Buku la Wahebere, ise tikakumana na Munthu mukuru uyu. Ndinjani wangandiphalira ine kasi Zina Lake wakawa njani? [Gulu likuti, “Melekizedeki.”—Munozgi] Melekizedeki. Sono, Kasi Melekizedeki uyu wakawa njani? Iyo wakawa msifi wa Chiuta Wapachanya Nkhanira. Iyo wakawa Fumu ya Salemu, mweneuyo wakawa Fumu ya Yerusalem. Iyo wakawavye dada, panji Iyo wakawavye mama. Iyo wakawavye nyengo apo Iyo wakababikira, panji Iyo nthu wazamkuwapo na nyengo apo Iyo wazamkufwira. Sono, ise tikusanga kuti yura wakwenera kuwa Wamuyirayira.

<sup>302</sup> Ise tikusanga kuti lizgu lakuti *nyengo yose likung'anamura* “chiga wa cha nyengo.” Kasi imwe muchali kukumbukira icho? Chiga wa cha nyengo, ichi ndi nyengo yose na nyengo yose. Ndipo *nyengo yose* wakuwoneka, nyengo zinandi, mu Baibolo ngati “a—chiga wa cha nyengo.”

<sup>303</sup> Kweni, Umuyaya, ndipo kuli mtundu umoza pera wa Umoyo Wamuyirayira, ise tikuwusanga. Ndi unenesko uwo? Chiuta wali na Umoyo Wamuyirayira ula, yekha. Ndi unenesko uwo? Mtundu umoza pera wa Umoyo Wamuyirayira. Kulije lizgu ngati “chilango Chamuyirayira.” Chifukwa, usange iwe ulangikenge Muyirayira, iwe ukwenera kuwa na Umoyo Wamuyirayira kuti ulangike kwa Muyirayira. Iwe ukwenera kuti uwé na Wamu-... Ndipo usange iwe uli na Umoyo Wamuyirayira, iwe ungalangika yayi, wona, usange iwe uli na Wamuyirayira. “Iyo mweneuyo wakupulika Mazgu Ghane, ndipo wakugomezga pa Iyo mweneuyo wakandituma Ine, wali na Umoyo wamuyirayira.” Ndi unenesko uwo? Umoyo Wamuyirayira, chifukwa iwe ukugomezga. Enya, usange iwe uli na Umoyo Wamuyirayira, iwe ungalangika yayi, chifukwa iwe uli na Umoyo Wamuyirayira. Ntheura, pamanyuma, usange iwe wamkusuzgika mu gehena nyengo yose na nyengo yose, iwe ukwenera kuti uwé na Umoyo Wamuyirayira.

<sup>304</sup> Kweni, sono, ine nkhusomezga kuti Baibolo likusambizga za gehena weneko wakugolera moto. Baibolo likusambizga icho, kuti zakwananga na uheni vizamkulangika, nyengo yose na nyengo yose. Icho ndi Muyirayira yayi, sono. Icho panyake chingawa virimika teni biliyon. Ichi panyake chingawako pa virimika handiredi biliyon, kwesi nyengo yinyake ichi chikwenera kuzakawa na umaliro. Pakuti, chirichose icho chika wa na chiyambi, chiriri na umaliro. Ndi vinthu ivyo virije chiyambi, virije umaliro.

<sup>305</sup> Imwe mwakumbukira chisambizgo chira sono? Umo ise tikarutira kumanyuma ndipo tikasanga kuti chirichose

icho chikâwa na chiyambi chikatimbanizgika, wonani, kutimbanizgika kufuma ku cheneko. Ndipo, paumaliro, ichi chikuwerera kukamalira ku Muyirayira. Ndipo ntheura gehena yose, kusuzgika kose, na chikumbumtima chose cha vyantheura, chizamkuzgewereka kwa Muyirayira. Chirichose icho chikwamba, chikumara.

<sup>306</sup> Ndipo Melekizedeki uyu wakaâwa Yesu yayi, pakuti Iyo wakaâwa Chiuta. Ndipo icho chikapanga Yesu na Chiuta kuâwa âwakulekana, ntchakuti, Yesu wakaâwa Kachisi umo Chiuta wakakkhalanga. Mukuwona? Sono, Melekizedeki. Yesu wakaâwa na wose dada na mama. Ndipo Munthu uyu wakaâwavye dada panji mama. Yesu wakaâwa na chiyambi cha umoyo ndipo Iyo wakaâwa na umaliro wa umoyo. Munthu uyu wakaâwavye dada, wakaâwavye mama, wakaâwavye chiyambi cha mazuâwa panji umaliro wa umoyo. Kweni, Uyu wakaâwa Munthu mweneeyura. Icho chikâwako, Melekizedeki na Yesu âwakaâwa Chimoza; kweni Yesu wakaâwa thupi la pacharu chapasi, wakababika ndipo wakapangika kulinganizgika ku kwananga. Thupi la Chiuta Yekha, mwana Wake Yekha, wakababika na kupangika kulinganizgika ku kwananga, kuti wafumiskepo liwozga pa nyifwa, kuti walipire mtengo, na kuti wapokere âwana âwanarumi na âwana ânakazi kwa Iyomwene. Imwe mukupulikiska ichi? Ndicho chifukwa Iyo wakaâwa—Iyo wakaâwa na chiyambi, Iyo wakaâwa na umaliro.

<sup>307</sup> Kweni thupi ili lakufikapo, mu chikumbusko, ngati—ngati chikhole cha chiwuka chithu, Chiuta nthena wakazomerezga yayi thupi lituâwa lira kuti liwone chivundi, chifukwa Iyo wakalirenga Iyomwene. Ndipo wakalipanga ili, ndipo wakaliwuska ili, ndipo wakalikhazika ili ku woko Lake lamaryero.

<sup>308</sup> Ndipo, muhanyauno, Mzimu Mutuâwa uwo ukawuska thupi lira uli muno mu Mpingo. Litumbikike Zina la Fumu! Ndipo ukuwoneska minthondwe yenyira na nkhongono. Ndipo dazi linyake Mzimu Mutuâwa uwu, uwo uli mu Mpingo, uzamuchemerezga ndipo uzamunyamuka, ndipo uzamkujipokerera iwowene mu kawonekero ka thupi ili ilo likukhala ku woko lamaryero la Chikurukuru la Chiuta, kuti litipangire maweyerero ise âwakananga. Ndipo para tiri Mula ise ndise âwakuvikilrika ku kwananga. Ntha kuti ise tikwananga yayi; kweni tavikilrika ku kwananga, mu Kuâapo kwa Chiuta. Chifukwa, pali sembe ya kutchutcha Ndopa yayimirira pakatikati pa ine na Chiuta, pakatikati pa imwe na Chiuta. Ndicho chifukwa Iyo wakati, “Munthu uyo ngwakubabika na Chiuta, wakuchita kwananga yayi, iyo wangananga yayi.” Pakuti, usange imwe mwababikaso, Mzimu Mutuâwa mweneeyura uwo ukakhala mu Thupi lira ukukhala mwa imwe. Ndipo Uwu ungananga yayi; sembe yiri chikhaliire panthazi Pake. Ntheura usange imwe mukuchitira dara ichi,

chikuwoneska kuti ntchambura machitiko kwa imwe kuti muŵe mu Thupi lira. Amen. Ndilo Ivangeli. Ichi chiri apo.

<sup>309</sup> Ipo, imwe wonani, Ichi ntha chikususka Lembia linyake lirilose. Ichi chikumangirira Malemba pamoza. Mukuwona? "Chiŵenge chambura machitiko kwa iwo awo kale ūkangweruskika." Uko ndiko ise titorenge mafumbo ghane. Pakuti, ghatoreni waka igho, umo ndimo ise tikukhumbira.

<sup>310</sup> Sono wonani. "Ntchambura machitiko kwa iwo ūeneawo kale ūkangweruskika, kuti ūwae kuti ūajiwezgereso iwoŵene ku ching'anamuka, kuwona kuti iwo ūakumupayika Mwana wa Chiuta kachiŵiri, ndipo ūakumupanga Iyo... ndipo ūakumutorera Iyo ku kukhozgeka soni pakweru." Iwo ūwangachita yayi ichi.

<sup>311</sup> Ntheura imwe rutani ku Wahebere 10, uko Ili likuyowoya kula, "Pakuti usange ise tikwanangira dara pamanyuma pakuti ise tikapokera umanyi wa Unenesko." Ndipo kasi kwananga ndi vichi? Kuwura kugomezga.

<sup>312</sup> Usange imwe mwadara mukuwona Mzimu Mutuŵa ukuchita vinthu ivyo Uwu wanguchita nkhanira muno mlenji uwu, ndipo mukuwona kuti Khristu wawuka ku ūakufwa, ndipo Iyo wakukhala mu Mpingo Wake na pakati pa ūanthu Wake, ndipo imwe mwadara mukukana Ichi, ntchambura machitiko kwa imwe kuti mungiza kwa Chiuta, chifukwa imwe mwatuka Mzimu Mutuŵa.

<sup>313</sup> Yesu wakayowoya vinthu vyenevira, para Iyo wakachitanga minthondwe yira.

<sup>314</sup> Iwo ūkati, "Chifukwa, Iyo ndi Berezebure. Iyo ndi muuwukwi. Iyo ndi devulu."

<sup>315</sup> Yesu wakang'anamuka, ndipo wakati, "Ine ndimugowokereninge imwe pa icho. Kweni para Mzimu Mutuŵa wafika na kuchita ichi, kuyowoya lizgu kunyoza Ichi ntha muzamkugowokereka mu charu ichi panji charu icho chikwiza." Chifukwa imwe mwachema Mzimu wa Chiuta uwo ukaŵa mwa Iyo, "mzimu ukazuzi."

<sup>316</sup> Ntheura, usange ise tikwanangira dara, usange ise tikwananga, kuwura kugomezga mwadara. Ntha pamanyuma pakuti ise tapokera Unenesko, tababikaso; ise tingananga yayi mwantheura. Wakwananga wangachita yayi kwambura kugowo-... Mukhristu wangachita yayi kwananga kwambura kugowokereka. Iyo wangachita yayi ichi. Ndi wambura uchiuta uyo wakuchita icho. Ndi wakujipangiska-kugomezga, wakugomezga yayi.

<sup>317</sup> Ŵasambizgi ŵara ŵa Chiyuda, o, iwo ūkaghanaghana kuti iwo ūkawâ ūakukhora, ndipo iwo ūkawâ na ma D.D. na ma Ph.D. Iwo ūkaghanaghana kuti iwo ūkasokera mkati chose ichi, mu chikwama, kweni iwo ūkawâ ūakwananga ŵaheni

chomene. O, iwo panyake... Imwe mungawîka yayi njoŵe pa—pa umoyo wawo. Iwo ūkakâwa ūkakutozgeka, ūankharo, na ūarunji, munthowa yira. Kweni iwo ūkakâwa ūambura kugomezga.

<sup>318</sup> Ndipo imwe mutore lizgu lakuti kwananga ndipo fufuzani icho ili likung'anamura. Lizgu lakuti *kwananga* likung'anamura "kuwura kugomezga." Kuli magulu ghaŵiri pera, ndiko kuti, wakugomezga panji wambura kugomezga. Ichô ndi, munthu wakurunjiskika panji wakwananga. Mbwenu kwamara. Usange iwe ndiwe wambura kugomezga, iwe ndiwe wakwananga; palije kanthu kwali uŵe muweme uli, kwali ukuruta ku tchalitchi kanandi uli, panji nanga kuti ndiwe mupharazgi. Iwe ndiwe wambura kugomezga ndipera.

<sup>319</sup> Ŧafarisi ūara ūkakâwa ūapharazgi, ndipo iwo ūkakâwa ūambura kugomezga, ndipo ūali mu gehena muhanyauno chifukwa cha ichi. Ŧasopisopi waka umo iwo ūakamanya kuŵira, na ūakujipereka, kweni iwo ūakamugomezga yayi Iyo. Ndipo iwo ūakamuchema Iyo "devulu," ndipo ūakasuska Mazgu Ghake. Ndipo ūanji ūa iwo ūakati, "Usange iwe ndiwe, sono khira pa mphinjika. Panga munthondwe. Reka ise tikuwone iwe ukuchita ichi." Yumoza wakamutimba Iyo pa mutu, na ndodo, ndipo wakati, "Chima ndipo tiphalire ise uyo wakutimba iwe, iwe muprefeti, ndipo ise tikugomezgenge iwe." Wonani, ūambura kugomezga! Iwo ūakujipangiska kugomezga kuti iwo ūkakâwa ūakugomezga, kweni iwo ūkakâwa ūambura kugomezga, ūambura kusinthika, ūakujipatura, nangauli iwo ūkakâwa ūatuŵa na ūakujipereka.

<sup>320</sup> Kweni, icho ndi chinthu chenechira icho chiriko muhanyauno. Wanarumi na ūanakazi ūangamanya kuruta ku tchalitchi na kuŵa na ukali, ndipo—ndipo ūakujipereka umo iwo ūangamanya kuŵira, ndipo ūakatetapo yayi, kwiba, na kuyezga kukhala umoyo wa chisopo chawo umo iwo ūangakhalira makora chomene. Kweni, pekhapekha iwo mbakugomezga, iwo mbakutayika. Ntheura palije pakulembeka palipose za ūamarango mu Baibolo. Calvinism ndi... Uchizi ndi icho Chiuta wakamuchitirani imwe, ndipo milimo ndi ivyo imwe mukumuchitira Chiuta. Ivi ndi vyakulekana mwakufikapo.

<sup>321</sup> Usange imwe mwareka utesi, mwareka kukhweŵa, mwareka kwiba, mwareka kuchita vigololo, mwareka vyose, mukachita chirichose, mukasunga marango, ndipo mukaruta ku tchalitchi, mukabapatizika pa Sabata yiriyose, mukarya monesko, mukachapa marundi gha ūatuŵa, mukachita chirichose, mukachizga ūarwari, ndipo mukachita vinthu vinyake vyose ivi, pekhapekha imwe mubabike na Mzimu wa Chiuta, ūakusoreka, imwe ndimwe ūakutayika. "Ntha iyo mweneuyo wakukhumba panji iyo mweneuyo wakuchimbira, kweni Chiuta uyo wakuwoneska lusungu."

<sup>322</sup> Esau wakayezeska chomene kuti waŵe Mukhristu, ndipo wakatondeka kuchita ichi. Baibolo likati iyo wakalira chomene, kupenjanga malo kuti warape, ndipo wakatondeka kughasanga agha. Pambere iyo wakaŵa wandababike, Chiuta wakamususka iyo, chifukwa Iyo wakamanya kuti iyo wakaŵa munthu wakuvunda mu mtima wake. Chiuta mwa kumanyirathu wakachimanya ichi. Iyo wakati, “Ine nkhutemwa Jacob, ndipo Ine nkhutinkha Esau.” Ndipo Esau wakawoneka ngati mwanarumi wantchindi. Iyo wakakhala panyumba, kupwereranga dada wake muchekuru wa chiburumutira, wakaryeska ng’ombe, na chirichose, wakaŵa mnyamata muweme.

<sup>323</sup> Ndipo Jacob wakaŵa mnyamata wa amama, mnyamata mulara pachoko wakutemwa kuyowoya nkhani na amama. Icho ndicho iyo wakaŵa. Imwe mukwenera kuzomerezga ichi. Baibolo likuzomerezga, likuyowoya ichi. Wakachimbira uku na uko, kuchitanga chirichose. Ndipo—ndipo, mama, kukhalanga kufupi na amama. Kweni, ndipouli, Jacob, na mwakukwera mwake mose na mwakukhira, na nthowa zake za wanakazi, iyo wakaŵa ndithu na ntchindi ku uwere ula. Icho ndicho chakuzirwa.

<sup>324</sup> Esau wakaŵa mwanarumi wantchindi kaŵiri kuruska Jacob. Usange ise tikati timweruzge iyo muhanyauno, kuti waŵe membara wa mpingo withu, imwe mbwenu mutorenge Esau, sauzandi ku yumoza, usange imwe mukamumanya yayi iyo. Kweni Chiuta wakatora Jacob.

<sup>325</sup> Kasi imwe muchitenge vichi na Paulos Mutuŵa, usange iyo wakakhumbenge kuŵa mupharazgi? Muchoko, Muyuda mulara wakugomberekwa mphuno, ndipo mlomo wake wakugwenyukira kumphepete, kwendendekanga kulikose kukangananga, ndipo umo iyo waphwasulirenge Mpingo, iyo wachitenge chirichose. Imwe mukati mughanaghanenge kuti iyo wakachita kwananga kwambura kugowokereka, kweni Chiuta wakati, “Iyo ndi muteweti Wane.”

<sup>326</sup> Chiuta wakutora wānarumi ndipo wakuŵapanga iwo wāpadera, ntha wānarumi kumutoranga Chiuta na kuŵa wāpadera. Chiuta wakutora mwanarumi na kumupanga iyo wāpadera. Ntha ndi icho imwe mukuchita, icho imwe mukukhumba, icho imwe mukughanaghana. Ndi icho Chiuta wakuchita. Apo imwe muli. Ndipo ndiyo nkhani iyo.

<sup>327</sup> Sono, Melekizedeki mukuru uyu, ndi nkhani uli pa Iyo apa! Ise tikukhumba kuti tiwazgupo pachoko, kuŵa ngati waka... ise tanguchita kuwerezgapo iyi mwakufulumizga chomene. Ise tiyambirenge kumanyuma uku pa chigaŵa chinyake cha Lemba, ndipo ise tiyambirenge pafupifupi vesi 15.

*Ndipo ichi chichali...chapakweru chomene: kuti kuli...chifukwa pakuti pamanyuma pa kulinganizga kwa Melekizedeki kula pakuphuka msifi munyakeso.*

<sup>328</sup> Sono, Melekizedeki wakaŵa Msofi. Wakaŵa Iyo? Apa pali icho Iyo wakaŵa. Ise tikusanga kuti Chiuta, mu mtendeko, wakaŵa mbwiwi yikuru ya Mzimu. Ndi unenesko uwo? Iyo wakaŵavye malo ghakubabikirapo. Iyo wakaŵavye malo ghakufwirapo. Iyo wakaŵavye chiyambi cha mazuŵa. Iyo wakaŵavye umaliro wa virimika. Iyo wakaŵa waka Wamuyirayira umo Umuyaya uliri Wamuyirayira. Iyo wakababika yayi. Iyo wakafwa yayi.

<sup>329</sup> Ndipo mwenemula, ise tikusanga kuti, Iyo wakaŵa na mitundu seveni ya Mzimu. Ndi unenesko uwo? Baibolo likayowoya, mu Chivumbuzi, kuti, "Mizimu seveni panthazi pa Chizumbe cha Chiuta." Ndi unenesko uwo? Seveni, yinandi, Mizimu seveni. Ise tikusanga kuti, kuli mitundu seveni. Kuli miwiro seveni ya mpingo kula. O, ichi chikwenda waka. Seveni ndi kumalizga, ndipo Chiuta wakaŵa wathunthu. Ndipo Mizimu seveni, ndipo Mizimu yira yikawa yakufikapo. Wakudankha ukaŵa mtundu uswesi; chitemwa chakufikapo, uwombozi. Ndipo umo, usange ise tikaŵenge na nyengo, kuti tipataule mitundu yira na kumuwoneskani kuti uliwose wa mitundu yira ukuyimira utuŵa wa Chiuta. Amen. Mitundu yira, kuli mitundu seveni yachilengedwe. Mitundu yira yikuyimira utuŵa wa Chiuta. Ndipo a... Mitundu yira yikuyimira vyakulinga vya Chiuta, kachitiro ka Chiuta. Mitundu seveni yira, iyi yikayimira miwiro seveni ya mpingo, nyenyezi seveni, ŵangelo seveni. Ulendo wose mu Malemba, ŵapharazgi seveni, mathenga seveni, mauthenga seveni, vyose mu maseveni. Mazuŵa seveni. Mazuŵa sikisi, ndipo la nambala seveni ndi mupumulo; wakufikapo, wathunthu. O, ichi ntchakutowa, usange ise tikaŵenge waka na nyengo kuti tinjire mu ichi na kuchirongosora ichi, mitundu yira!

<sup>330</sup> Torani mtundu uswesi. Ise titore mtundu wakudankha, ndi uswesi. Kasi uswesi ndivichi? Uswesi ndi chimanyikwiro chimoza cha pakofya. Uswesi ndi chimanyikwiro cha uwombozi. Ndipo imwe mulaŵiske pa chiswesi kwizira mu chiswesi, kasi ndi mtundu uli? Utuŵa. Uwo mbunenesko. Ntheura para Ndopa ziswesi zikati zathiskika, kuti zibenekerere kwananga kuswesi, Chiuta, kulaŵiskiranga mu Ndopa ziswesi, wakalaŵiska pa kwananga kuswesi, uku kukuzgoka kutuŵa. Wakugomezga wangananga yayi. Yayi nadi. Mbewu ya Chiuta, vitumbiko vya Chiuta, vikukhalirira pa iyo. Chiuta wangawona kalikose yayi kweni Ndopa za Mwana Wake Yekha. Palije kanthu kwali ichi ntchivichi mu Mpingo Wake, icho ichi chir, Chiuta wakuchiwona yayi ichi, chifukwa Yesu wakupanga maŵeyerero, rutaruta, Msifi Mukuru. Vingachitika yayi kwa iyo kuti

wanange, apo Sembe yantheura yiri chigonere kula chifukwa cha iyo, ngati ntheura. Yayi nadi.

<sup>331</sup> Ndipo sono usange iwe ukuti, “Enya, icho chikundipa ine mwaŵi ukuru . . .” Ntheura icho chikuwoneska kuti iwe uli makora yayi.

<sup>332</sup> Iwe urumbenge Ich. Iwe uchitemwenge Ichi, usange iwe ndiwe Mukhristu mweneko, kufika ku malo kwakuti kwananga kukurondengerondenge kufikira kuti iwe ungachita yayi ichi. “Pakuti Mbewu ya Chiuta yikukhalirira mwa iyo, ndipo iyo wangananga yayi.” Baibolo likati, “Para watozgeka na Ndopa za Yesu, walije chilakolako cha kwananga.” Usange iwe uli na chilakolako, mtima wako uli makora yayi na Chiuta.

<sup>333</sup> Sono, iwe unangiskenge, kweni iwe ntha ukuchita ichi mwakukhumba. Mukuwona? Iwe ndiwe—iwe ukukoreka mu msampha, ndipo chirichose icho iwe wakorekeramo, panji wachita chinyake icho iwe ntha wang'anamuranga kuchita ichi, ndi kwananga yayi, iwe urapenge miniti yeneiyo iwe wawona kuti wanangiska. Iwe ung'anamukenge mwaluŵiro na kuti, “Ine ntha nangung'anamura . . . nanguchiwona yayi icho.” Iwe uyowoyenge icho, umoyo wose. Munthu wakukhumba yayi kuŵa ntheura, ndicho chifukwa ise ndise wazereza chomene ndipo mu mdima chomene, pa charu chapasi pano, kuti kuli mphepisko ya Ndopa ya ise, nyengo zose, kutisunga ise wakubenereleraka. Chifukwa, kunangiska kwakudankha ise tikakumana nako . . .

<sup>334</sup> Sono, apo pali fundo yinu ya marango. “O, imwe mukumanya kasi? Mwanakazi yura wakatuŵiskika. Kweni, watumbikike Chiuta, iyo wakachita chiheni. Ine nkhumanya iyo wawerera kumanyuma.” Uko nkhwananga. Iyo wawerera kumanyuma yayi. Iyo wakanangiska. Usange iyo wakachita ichi mwakukhumba, ntheura iyo wakaŵa makora yayi, kwamba na kwamba.

<sup>335</sup> Usange iyo ntha wakang'anamura kuchita ichi, ndipo iyo wakwiza panthazi pa Mpingo utuŵa wa Chiuta na kuvumbura ichi, na kuti, “Ine ndananga, ndipo imwe mundigowokere ine;” imwe ndimwe wakukakamizgika kuchita ichi. Iwe ntha ukuchita ichi mu mtima wako, ntheura iwe ukwenera kuti urute ku guwa wamwene. Mbunenesko. Muli utuŵa weneko mu mpingo. Muli utuŵa weneko, utuŵa ntha wa iwe, kweni wa Khristu.

<sup>336</sup> Ine ndirije utuŵa wakuti ndiwoneske kwa Iyo. Kweni ine nkhugomezga mu Wake, o, uchizi Wake, ndipo ine ndiri nawo uwu mu mtima wane. Ine ndiri nawo kwambura kuchita uweme, palije icho ine nkhumanya kuchita kuti ndiŵe nawo uwu, kweni mwa uchizi Iyo wakandichema ine ndipo wakandichema ine kuti ndifike. Ndipo ine nkhalaŵiska kwa Iyo, ndipo Iyo wakafumiskamo chilakolako mwa ine. Ine nkhupanga masauzandi gha kunangiska mu mwezi uliwose, mu chirimika chirichose. Nadi, ine nkhuchita. Kweni para ine

ndawona kuti ine ndananga, ine nkhuti, "Chiuta, ine nthā nangung'anamura kuchita ichi, Imwe mukumanya mtima wane. Ine nangung'anamura kuchita icho yayi. Ine nangukorekeramo mu icho. Ine nthā nangung'anamura kuchita ichi. Imwe mundigowokere ine, Fumu."

<sup>337</sup> Usange ine ndachita chiheni kwa m'bale wane, ine nkhuti, "M'bale, undigowokere ine. Ine nthā nangung'anamura kuchita icho. Nadi, Chiuta wakumanya mtima wane."

<sup>338</sup> O, apo imwe muli. Apo pali sembe ya Ndopa. Apo pali nkhongono ya Ivangeli, Mpingo utuwā ula ukurutirira munthazi. Nthā chifukwa chakuti iwe ukachita chinyake; ndi chinyake icho iwe ukawāvye chakuchita mu ichi. Apo pali Mphepisko.

<sup>339</sup> Sono, Melekizedeki uyu, para Iyo wakati wafika.

<sup>340</sup> Ine nkhukhumba kuti ndimuphalireni chinthu chinyake. Kasi imwe mukatorapo a—galasi la makona ghatatu? Imwe mutore galasi la makona ghatatu, ndipo muligoneke mwakuti zuwā lingamanya kuwalirapo, ili lipangenge mitundu seveni yiweme waka. Galasi la makona ghatatu lipangenge chiwingavura. Uwo mbunenesko ndendende. Sono, usange ise tikaŵenge na nyengo, ise nthena tangurutirira mu icho. Vitatu vikupanga chakufikapo: Dada, Mwana, Mzimu Mutuwā; kurunjiskika, kutuwiskika, ubapatizo wa Mzimu Mutuwā. Apo imwe muli. Kufikapo kukupangika na vitatu. Chiuta, pachanya pa munthu; Chiuta, mwa Munthu wakuchemeka Yesu; Chiuta, mu Mpingo. Pamanyuma, chakufikapo.

<sup>341</sup> Munthu wakananga, malinga Chiuta wakawa kuchanya *uku* mu Lawi la Moto. Chiuta... Munthu wakananga, mphanyiko, panthazi pa Chiuta, malinga Chiuta wakawa mu Lawi la Moto, chifukwa iyo wakawa ndithu chilengiwa chikazuzi, ndopa za chinyama zikawa panthazi pa Iyo.

<sup>342</sup> Pamanyuma Mwanamberere wa Chiuta wakiza, sitepu yachiwiri yapakweru ya Chiuta; Chiuta mweneyura, udindo unyake. Ndipo pamanyuma Chiuta uyu mu... wakawa mwa Khristu, wakawa Chiuta mweneyura uyo wakawa mu Lawi la Moto. Ndipo Chiuta mweneyura wakazgoka thupi ndipo wakakhala pakati pithu. Ndipo pamanyuma munthu wakamusewereska Iyo, wakenera kuti wakazgore ndithu pa ichi. Ndopa zikawa zindathiskike. Uwo mbunenesko. Yesu wakati, "Ine ndimugowokereninge imwe."

<sup>343</sup> Kweni pamanyuma Yumoza mweneyura uyo wakawa thupi, wakazgoka Lawi la Moto kamozaso. "Ine nkhwiza kufuma kwa Chiuta. Ine nkhiruta kwa Chiuta." Apa ise tikumusanga Paulos wakukumana na Iyo, pa msewu wakukhilira ku Damaseko, Lawi lenelira la Moto. Ise tikumusanga Petros wakukumana na Iyo mu gadi, Lawi lenelira la Moto. Nadi. Ndipo ise tikumuwona Iyo muhanyauno, pakati pithu, Lawi lenelira la Moto.

<sup>344</sup> Kweni chakufikapo chafika ku malo, kuti Munthu wapakatikati... Sono, usange vingachitika kuti muli Muyuda muno, panji munyake uyo wakupulikiska Chipangano Chakale. Tismikizgire ichi, rekani ine ndimuwareskeni imwe. Ine ndirije Chipangano Chakale na ine, sono nthena. Ichi ndi-ndi Chipangano Chiphya. Kweni mu chakupereka cha chingwa icho chikaŵa pa mbale yakupatulika, mu sembe ya Chiyuda pa kuphotoranga wakachisi; fumbani Muyuda waliyose; pa viŵarukwa vitatu vira vya chingwa, chiŵarukwa cha pakatikati chikamenyeka. Chira wakaŵa Khristu. Chiŵarukwa cha pakatikati chikamenyeka; Khristu, cha pakatikati. Chikawoneska kuti pakenera kuŵa kumenyeka, pamalo ghanyake, kuti uwêpo uwombozi. Ndipo chiŵarukwa chira chikaghanaghanika kuŵa uwombozi, pa chingwa chakupatulika.

<sup>345</sup> Ndipo Iyo wali apa. Ndipo usiku uwu, para ise tikurya monesko, ise tikumenya chingwa chakupatulika, pakuti ili ndi thupi la Khristu. Ndipo Iyo wakamenyeka pa Mphinjika, kuti waŵe Mphepisko ya zakwananga zithu, mwakuti kwizira mu urunji Wake ise tingamanya kuŵa urunji Wake. Chifukwa, Iyo wakazgoka kwananga kwithu, mwakuti ise tingamanya kuŵa urunji Wake. M'bale, uwo ndi uchizi weneko. Mwakufikapo. Kulije nthowa, kulije nthowa yinyake imwe mungamanya kurunjiskikira.

<sup>346</sup> Sono, Melekizedeki uyu, Munthu mukuru uyu uyo wakakumana nayo pa msewu, iyo wakapereka, Abraham wakapereka vyakhumi kwa Iyo. Wakenera kuti wakaŵa Munthu mukuru uli! Sono wonani, mwaluwiro.

*Uyo wali kupangika, ntha pamanyuma pa dango la...  
marango gha kuthupi,...*

<sup>347</sup> Sono mukuliwona dango lakuzomerezgeka lira? Dango likati, "Iwe ungakomanga. Iwe ungachitanga chigoloro. Iwe ungibanga."

<sup>348</sup> Yesu wakang'anamuka nkhanira penepapo, wakati, "Kuli kuyowoyeka za iwo wanyengo zakale, 'Iwe ungakomanga,' kweni Ine nkhati uyo yose wakwiyyira m'bale wake, kwambura chifukwa, wakoma kale. Kuli kuyowoyeka za iwo, wanyengo zakale, 'Iwe ungachitanga chigoloro,' kweni Ine nkhumunenerani imwe, uyo yose walawiska mwanakazi na kumukhumbira iyo, wachita kale chigololo na iyo mu mtima wake." Apo imwe muli. Icho chikwenera kuti chiŵasambizge wānakazi umo wāngavwalira, umo iwo wāngachitira icho ntchakwenerera. Imwe mukuvwara uheni, ndipo mukupangiska wānarumi kumulawiskani imwe mu nthowa yiheni, imwe muli na mlandu wa kuchita chigoloro, kuyana waka kuti imwe mukachita ichi. Yesu wakayowoya nttheura.

<sup>349</sup> Ndipo mwâwanthu imwe na maukali agha ghakuthwa ngati saha, agho nyengo zose ghakufuma mu mlomo winu kuruta kwa munyake, mukutondeka kujikora, na vinthu ngati ivyo. Chenjerani. Imwe muli na mlandu usange imwe mukuyowoya lizgu kwimikana na m'bale winu uyo wachita makora yayi, wachita urunji yayi, mukwendendeka na kumusasura. Imwe nthâ mukwenera kugwaza chimayi mu msana wa munthu kuti mumukome iyo. Imwe mungamanya kunanga nkharo yake na kumukoma iyo, kukoma chikoka chake. Kuyowoya mwakunyoza mliska winu kuno, kuyowoya chinyake chiheni za iyo, imwe panyake mungamanya waka na kumulasa iyo. Mukayowoya chinyake icho chikawa chaunenesko yayi za iyo, enya, ichi chikomenge chikoka chake na âwanthu na vinthu ngati ivyo, ndipo imwe muli na mlandu za ichi. Ndicho Yesu wakayowoya.

<sup>350</sup> Sono, tegherezgani apa, icho—icho Paulos wakayezganga kurongosora apa. Ine nkhulitemwa Baibolo lakale ili. Ili likukunyoroska iwe. Wonani, o, laŵiskani waka kuno. Sono, umo ise tanguwâzgira fo... “Ichi ndi... pakuti ndi chapakweru kuti Fumu yithu yikababikira ku Yu...” Lindizgani, ine nkugomezga ine ndiri na vesi linyake apa ilo ine nakhumbanga kuti ndiŵazge. Yayi, musi umu pa 16.

*Uyo wali kupangika, nthâ pamanyuma pa... marango  
gha kuthupi,...*

<sup>351</sup> Icho ntchakuzomerezgeka, imwe wonani. “O, m'bale, ine—ine yayi. Ine yayi. Ine nkhumanya, kweni ine...” Ndicho yayi ichi. Ndi chitemwa icho chikuchita ichi.

<sup>352</sup> Umo ise tikayenderamo mu ichi! Ine nkhati, “Usange ine nkhayowoya kwa wane...za muwoli wane, ‘O, enya, ine—ine—ine nkhukhumba kuti ndiŵe na âwâoli âwâwiri. Ine nkhukhumba kuti ndiyendezganenge na yumoza *uju*, kuchita chimoza *ichi* kula. Kweni, usange ine nachita, muwoli wane wandipatenge ine, ndipo âwana wane âwâwenge mu... Utumiki wane utayikenge.” Iwe mukazuzi, mupusikizgi wakuvunda. Uwo mbunenesko. Iwe ukumutemwa yayi iyo, kuyamba na kuyamba. Uwo mbunenesko ndendende.

<sup>353</sup> Usange iwe ukamutemwa iyo, paŵengevye dango za ichi. Iwe umutemwenge iyo, munthowa yiriyose, ndipo iwe udemererenange na iyo. Uwo mbunenesko ndendende. Ndipo imwe âwanakazi muchitenge chinthu chenechira kwa mfumu winu. Uwo mbunenesko.

<sup>354</sup> Nyengo zinyake âwanakazi âwakuzgoka malo, panji...

<sup>355</sup> Mwanarumi kuwona Yezebeli munyake muchoko wakujipenta, imwe mukumanya, ndipo—ndipo iwe uzingilirenge, umudokerenge iyo; panyake uli na muwoli muweme. Ndipo pamanyuma iwe ukujichema wamwene Mukhristu. Soni kwa iwe. Iwe ukukhumbikwa kuti uruteso ku guwa. Uwo mbunenesko.

<sup>356</sup> Ndipo wanyake wa imwe—ndipo mwaŵanakazi wanyake imwe mukulâwiska kwa mwanarumi munyake mulara pachoko wali na sisi lake waligoneka pasi, Vaseline munandi pa ili kuti...kujura mlomo wake. Ndipo pamanyuma imwe...

<sup>357</sup> Msungwana munyake mulara pachoko, kuno kale chomene yayi...Iyi ndi nthabwara yayi, chifukwa ine ntha nkhung'anamura kuyowoya ichi ngati nthabwara. Kweni wanthu wakumanya kuti agha ndi malo gha nthabwara yayi. Kweni msungwana mulara pachoko kuno, iyo...Kukawa wanyamata waweme kuno, wanyamata Wakhristu. Nyengo yinyake kale, para ine nkhachitanga uliska kuno, ise tikaŵanga waka na makalasi gha wananumi wachinyamata. Ndipo ine nkhayowoyanga ku wanakazi wachisungwana pa Sabata kumuhanya, za kugonana na vinthu. Ntheura pa Sabata yikwiza kumuhanya, kuyowoya ku wananumi wachinyamata, na kuyezga kupanga vinthu vira kuti vireke kurutirira.

<sup>358</sup> Msungwana munyake mulara pachoko wakayamba kwendezgana na munyake mulara pachoko wambura kwenerera, kusika ku tawuni uku, wakakhweŵanga ndudu ndipo wakaŵa na botolo mu thumba lake. Ndipo iyo wakatchikanga galimoto yichoko yambura denga mu tawuni. Ine nkhatondeka kuwona icho iyo wakawona mwa mnyamata yura. Iyo wakizanga yayi ku tchalitchi. Iyo wakakhalanga kuwaro kula. Kumuwika iyo mu tchalitchi uku, ndipo ntheura iyo wakakhalanga uko kuwaro, mu galimoto yake, na kulindizga, wakanjiranga yayi mu tchalitchi. Ine nkhayowoya kwa iyo dazi limoza. Iyo wakakhalanga mu New Albany. Ine nkhati, "Ine nkhukhumba kuti ndikufumbe chinyake iwe, msungwana. Kasi ntchivichi mu charu icho iwe ukuwona mwa mnyamata yura?" Ine nkhati, "Chinthu chakudankha, iyo wakutinkha chisopo chenechira icho iwe—iwe uli nacho. Iyo wakunyoza Khristu wako. Iyo wangâwa mfumu wako yayi iwe. Iyo wakupangenge iwe wachitima, umoyo wako wose." Ndipo ine nkhati, "Enya, muli wanyamata waweme wachokowachoko Wakhristu muno awo iwe ungamanya kwendanga nawo. Ndipo kula adada wako na amama wakutinkha maghanoghanu gha iwe kuti urutenge kuwaro, kweni iwe ukuruta munthowa yiriyose, ndipo iwe ukughanaghana, 'Ine ndine switii sikisitini.'"

<sup>359</sup> Iyo wakayamba kujipenta na kuchimbirachimbira, ndipo chinthu chakudankha, iyo wakaŵa mu mabara. Iyo wali kuruta ku Umuyaya sono. Kweni, pamanyuma, iyo wakayimirira apa. Ndipo imwe mukumanya chifukwa icho msungwana yura wakandiphalira ine kula, kuti iyo wakamutemwa mnyamata yura? Iyo wakati, "Iyo wali na marundi ghachokoghachoko ghakutowa, ndipo iyo wakununkhira makora chomene." Kasi imwe mungalingalira icho? Kujifayiranga perefymu iyomwene, ivyo ndi wanakazi, mwanarumi yayi.

<sup>360</sup> “Wonani,” ine nkhati, “mlongosi, ine ntchiweme ndiyendenge na mnyamata Mukhristu uyo wakawâ na marundi ngati galimoto zakwenda m’malibwe ndipo wakanunkha ngati kanyimbi, usange iyo wakawâ Mukhristu wakufikapo.” Uwo mbunenesko. Unenesko. Enya.

<sup>361</sup> Chifukwa chake, “Marundi ghakutowa chomene, ndipo wakununkhira makora chomene.” Wakwenda mu bara muchoko, paumaliro wakananga umoyo wa msungwana. Ndi chasoni, chakukhözga soni.

<sup>362</sup> Nthengwa njakuchindikika, kweni yikwenera kuti munjiremo na lurombo na mwantchindi. Ndipo chitemwa cheneko ku mwanakazi yura chimumangilirenge imwe pamoza muyirayira. “Icho iwe ukakenge pa charu chapasi, Ine ndikakenge Kuchanya.” Para iwe ukwenda kukhira msewu kula, iyo panyake wangachekura na kuwâ na nyivvi na mankhwanda, kweni chitemwa chenechira icho iwe ukawâ nacho pa iyo para iyo wakawâ mwanichi, mwanakazi wakutowa, iwe uwêngé nacho ndithu ichi.

<sup>363</sup> Iwe panyake ungabwanthuka mapewa, mupala pa mutu, na chisko cha mankhwanda na chinyake chirichose, kweni iyo wakutemwenge iwe ngati ndiumo iwe ukachitira para iwe ukayimirira na mapewa ghasani na sisi lakuposekana, usange nadi ndi Chiuta. Pakuti iwe ukulawiska ku nyengo apo iwe uzamuyambukira kusirya kwa mronga, para iwe wamkuphukaso, kuwereraso ku wanarumi wanichi na wanakazi wanichi, kuti mukakhale pamoza muyirayira. Ilo ndi phangano la Chiuta Lamuyirayira. Iyo wakati Iyo wazamuchita ichi. Iyo, nthâ icho pera, ise tifikengeko ku ichi miniti pera, Iyo wakarapizga kuti Iyo wazamuchita ichi.

<sup>364</sup> Tegherezgani ku ichi, apo ise tikurutirira.

*Uyo wali kupangika, . . . pamanyuma pa dango la . . . marango gha kuthupi, kweni pamanyuma pa nkhangono ya . . . umoyo wambura kumara.*

<sup>365</sup> Sono ise tiwazenge mwakufulumira, mwakuti ise tingamanya kuchisanga ichi.

*Pakuti iyo wakuchitira ukaboni, Iwe ndiwe msifi nyengo na nyengo pamanyuma pa dongosolo la Melekizedeki.*

Malinga pakhumbikenge msifi, Iyo wazamkuwâ Msifi.

*Pakuti kuliko kwapakweru kurekeka kwa marango kukwizanga kumanyuma . . . kufoka kwa kuwura phindu kwake.*

*Pakuti dango nthâ likapanga chinyake chakufikapo, . . .*

<sup>366</sup> Imwe mungachita yayi, kwali imwe mukuchita vichi. Imwe mukureka kumwa, mukureka kukhweŵa, mukureka kuyowoya

mautesi, mukuruta ku tchalitchi na kuyezga kuchita *ichi* na kuyezga kuchita *icho*, imwe muchali ndithu wakuthupi. Ilo ndi dango waka. Dango ntha likupanga chinyake chakufikapo. Kweni ntchichi chikupanga chakufikapo? Khristu. Uchindami! Ine panyake ningareka mautesi, ningareka kwiba, ningareka kuchitanga vigoloro, ningareka kusumbanga, ningareka vinthu vyose, ndipo ine ndichali ndithu wakuthupi. Chiuta wakupokerera yayi *ichi*, chifukwa ine ndirije chakuti ndimupe Iyo mu kumuphepiska.

<sup>367</sup> Kweni miniti apo ine nkhuwika mawoko ghane pa mutu wakutumbikika wa Fumu Yesu, na kuti, “Fumu, ine ndine muweme yayi. Uli Imwe munditore ine ngati muteweti Winu?” ndipo Chiuta wakufumiskapo kwananga kwane, ine nkhuylimirira wakufikapo pa maso pa Chiuta. Uwo mbunenesko. Chifukwa? Ine ntha nkhuylimilira pa kuchita makora kwane. Ine nkhuylimirira pa Kwake. Ndipo Iyo wali kutiphotor ise, kwizira mu kusuzgika Kwake na Ndopa Zake.

<sup>368</sup> Ine nkhuwona kuti ndi nyengo yakuti nijare. Kweni ine nkhuukhumba waka kuti ndimalizge kuwazga *ichi* usange ine ningafiska, mwaluwiro.

... *kurutanga pamanyuma pa kufoka* ndi kwa kuwura phindu *kwake*.

*Pakuti dango ntha likapanga chinyake chakufikapo, kweni kwiziska waka chigomezgo chiweme; (Kasi chigomezgo chiweme ndi vichi? Khristu.) mwa cheneicho ise tikusenderera kufupi kwa Chiuta.*

<sup>369</sup> Chifukwa? Kwizira mu uweme withu wose, na uweme withu wose, na uweme withu wose, ise tichali ndithu wakuthupi. Kweni para tiri mu Kuwapo kwa Chiuta, kumanyanga kuti ise tingayimirira yayi kula, kweni kwizira mu kuchita kuweme kwa Yesu Khristu pera, nttheura ise tikusenderera kufupi kwa Chiuta, kwizira mu kuchita makora kwa Mwana Wake. “Fumu, ine nkhwiza kwa Imwe, na mtima wambura kumanya. Mu Zina la Mwana Winu Yesu, chonde ndipokerereni ine.” O, m’bale, iwe ukwizira mu nthowa yamoyo nttheura.

<sup>370</sup> Ntha, “Fumu, Imwe mukumanya kuti ine nkhumwa yayi. Imwe mukumanya kuti ine nkhumusunga makora muwoli wane. Imwe mukumanya ine nkuchita *ichi*. Ine nkuchita *icho*.” Iwe ulije chakuti upereke.

<sup>371</sup> “Pakuti dango la marango gha kuthupi lingachita kalikose yayi, kweni kwiziskanga chigomezgo chinyake. Chigomezgo chira cheneicho ndi Khristu, ise tiri nacho ngati nangura ya uzima, yakukhora na yanadinadi.” Wonani.

*Ndipo mwapakuru umo kwambura chirapo iyo . . .*

Lizgu lakuyimira yumoza, usange imwe muwonenge umu, liri mu vilembo vyakugoneka.

. . . *iyo wakazgoka msifi:*

Ntha msifi pera, kweni Iyo wakapangika kuŵa Msifi mwa chirapo. Ntha . . .

<sup>372</sup> Sono wonani. Tiyeni titore usofi wose.

(*Pakuti ūwasofi ūwara*, ūwa Ulevi, ūwapakatikati, ūwarunji,  
ŵanarumi ūwakugomezgeka, *ūwasofi ūwara ūwakapangika  
kwambura chirapo*; . . .)

<sup>373</sup> Chiuta wakayowoya waka, “Pamanyuma pa dongosolo la—pamanyuma pa dongosolo la Aaron, kuti Iyo waŵapanga aŵa ūwasofi.” Iwo ūwakapangika ntheura mu miwiro yose. Iwo ūwakuruta ku sukulu ndipo ūwakusambira kuŵa ūapharazgi na vinyake ntheura. Iwo ūwakurutirira. Ntheura Chiuta wakaŵapanga iwo ūwasofi, mwa masambiro ghawo, mwa chiharo chawo, na vinyake ntheura. “Kweni Munthu uyu wakapangika Msifi mwa chirapo icho Chiuta wakapanga.” Tegherezgani mwatcheru sono.

(. . . *ūwakapangika kwambura chirapo*; *kweni uyu na  
chirapo mwa iyo uyo wakanena nayo*, Yehova warapa  
ndipo *wasinthenge yayi*, amen, *Iwe ndiwe msifi  
kunyengo na nyengo pamanyuma pa dongosolo la  
Melekizedeki*;) . . .

*Mwantheuraso ndimo Yesu wakapangikira  
chipanikizgo cha phangano liweme.*

Sono, mwaluŵiro.

*Ndipo iwo nadi ūwakâwa ūwasofi ūwanandi, chifukwa  
iwo ūwakazomerezgeka yayi kuti ūwarutirira mwa  
chifukwa cha nyifwa:*

Masauzandi kwandaniska masauzandi kwandaniska masauzandi, kwa ūwasofi, chifukwa iwo ūwakâwa na chirichose yayi kweni nyifwa pera na nyifwa na utechitech, na nyifwa na nyifwa na nyifwa.

<sup>374</sup> Kweni muwoneni Iyo.

*Kweni munthu uyu*, (Munthu njani?) Yesu, *chifukwa  
iyo rutaruta wakurutirira nyengo zose, wali na usofi  
wambura kusintha*. Kasi ūwalinkhu . . .

*Mwantheura iyo ngwankhongono kuŵaponoska  
iwo kufika ku umaliro; kwali wafika kutali uli,  
kwali wahenipa uli, kwali waruta kutali uli, Iyo  
ngwankhongono kuponoska kufika ku umaliro; awo  
ŵakwiza kwa Chiuta kwizira mwa iyo*, . . .

Ntha na . . . pa urunji wako; kweni pa kuvumbura kwako. Mukuwona?

...awo *wakwiza* kwa *Chiuta kwizira mwa iyo*,  
*pakuwona kuti iyo ngwamoyo tuyirayira kuti*  
*wawapangire* maŵeyerero *iwo*.

Iyo wali nkhanira kula, rutaruta, kupanga maŵeyerero.

Kufuma *ku msofi mukuru wantheura wakazgoka*  
*ise, uyo ndi mutuwa, wambura kupweteka, wambura*  
*kukazuzgika, wakupatukako ku wakwananga, ndipo*  
*wakazgoka Msofi Mukuru Kuchanya;*

<sup>375</sup> Icho chiri apo. Sono, usange ine nkhuvezga kuyimira mlandu wane ndamwene, ine ndiluzenge uwu. Usange ine nkhuvezga kuyimira, nkuti, "Enya, adada wakanawa munthu muweme. Adada wakanawa mupharazgi. Enya, ine ndiri kukhala mu tchalitchi." Ine nkhaluza ndithu uwu. Kweni Munthu uyu ndi Yumoza wakufikapo, Khristu. Iyo wakukhala apo ndipo wakupereka Ndopa Zake rutaruta chifukwa cha zakwananga zane. Apo imwe muli.

*Uyo ntha wakukhumbikwa dazi na dazi, ngati*  
*war...wasofi, kuti wapereke sembe, chakudankha*  
*chifukwa cha zakwananga zake yekha, ndipo*  
*pamanyuma chifukwa cha wantru: pakuti ichi iyo*  
*wakachita kamoza, para iyo wakajipereka iyomwene.*

<sup>376</sup> Sono wonani vesi laumaliro.

*Pakuti dango likupanga wanarumi wasofi*  
*wakuruwakuru awo wali na mautechitechi; ...*

<sup>377</sup> Icho ndicho dango, dango la kuthipi, likuchita. Sono, ine nakhumbanga nthema nanguwa waka na maora ghaŵiri apa nthema. Umo ndimo dango likuwaphangira wantru kuwa wapharazgi. Uwo mbunenesko.

<sup>378</sup> Chifukwa, iwo wakuti, "Enya, mwanarumi uyu wali na chakumuchitikira cha ku seminare." Ine ningasinthaniska yayi chakundichitikira chane chichoko cha Kuchanya na maseminare ghose gha mu charu.

<sup>379</sup> "Chifukwa, ise tiri kumusambizga mwanarumi uyu. Iyo ndi—iyo ngwakuchita kusankhika. Iyo ndi mwanarumi wakujipanga iyomwene." Ine nkutemwa yayi mtundu ula. Ine nkutemwa mwanarumi wakupangika na Chiuta. Mukuwona? Mukuwona?

<sup>380</sup> Kweni dango lichali kupanga wasofi. Dango lichali kupanga wapharazgi. M—mpingo wa Baptist, iwo wakutuma wapharazgi; wakutuma wanandi wa iwo, wali na machini ghakupangira iwo. Wa Methodist wali nagho igho. Wa Baptist wali nagho igho. Wa Prezibetere, wa Nazarene, Pilgrim Holiness, wa Pentekosite, iwo wakuwapanga iwo mwakufulumizga umo iwo wangachitira, ngati ndondomeko yikuru, chimachini chikuru. Kuyimilira kula ngati a...

<sup>381</sup> Ine nyengo zose nkhati, “Ine—ine nadi nkhayilengera lusungu nkhu ku ya kukonkhomoreka na machini.” Imwe mukumanya, kamwana kachoko ka nkhu ku aka kakonkhomoreka na machini, iko kababika makora yayi. Yayi. Nkhu yikwenera kuti yikonkhomore twana. Kweni nkhu yakukonkhomoreka na machini, para iyi yikufuma, iyi “yikulira, yikulira, yikulira,” ndipo yirije mama wakuti yiruteko. Mukuwona? Iyi yikumanya yayi kasi mama ndinjani. Uwo mbunenesko. Iyi yikulira kuponja yumoza, kweni iyi yirije walioye.

<sup>382</sup> Kweni kankhku kachoko aka kakonkhomoreka na nkhu ku, m’nthowa yachilengedwe, iko kakulira ndipo mama wakuzgora. Uwo mbunenesko.

<sup>383</sup> Ndipo nyengo zinyake ine nkughanaghana za ichi kuno chakuwachitikira ku seminare cha kubabikira pasi pa machini agha mu Louisville na kulikose mu charu, kukonkhomoranga wapharazgi mu masauzandi. Machini gha kukonkhomorera gha Pentekosite, na machini gha kukonkhomorera gha Prezibetere, na—na machini gha kukonkhomorera gha Baptist, igho ghose ghakukonkhomora twawo—twawo—tunkhku twawo tuchokotuchoko. Utu, “tukulira, tukulira, tukulira,” ndipo tukuyowoya za machini uko tukababikira.

<sup>384</sup> Kweni ine nkutemwa kuwa na Dada, Mama. Litumbikike Zina la Fumu! Mbanandi yayi wakababika pamoza na ine, kweni awo wakawapo wakawa wabale wane. Amen. Ise tiri na Mama uyo wakuzgora para iwe... Mama Uyo wali Kuchanya, Uyo wakutipwererera tose ise. “Umo nkhu yikufungatirira wana wake, ndipo yikuguska kwa iwo, ndipo—ndipo yikuguska pa wake... yikuzifungatira nkhu zake, ntheura Ine ndimufungatirenge imwe. O Yerusalem, Yerusalem, kasi Ine nthena nkakutora kalinga iwe ngati ndiumo nkhu yikuchitira na wana wake! Kasi ine nthena nkhamupangani kalinga iwe kuwa Wane, kweni iwe ukakhumba yayi. Imwe mukawa na maseminare ghinu mwaŵene, mukakonkhomora wwasofi winu. Iwo wakamusambizgani kwimikana na Ine. Sono imwe mwasidika pamwekha. Kuparanyika kwinu kuli kunthazi kwinu.”

<sup>385</sup> Sono ine nkuyowoya ichi: O, mwaŵanthu, o, mwaŵanthu, kasi Mzimu Mutuwa nthena ukamufungatirani kalinga imwe, umo nkhu yikuchitira na wana wake, kweni imwe mukukhumba nthowa yinu mwaŵene, imwe muŵenge na nthowa yinu mwaŵene ya ichi!

<sup>386</sup> Umoza wa mausiku agha ine nkukhumba kuti ndizakapharazge pa, “Nthowa yinu mwaŵene.” Imwe mukumanya, Kayini wakakhumba nthowa yake. Munthu wakukhumba nthowa yake yekha, muhanyauno. “Kweni yiriko nthowa iyo yikuwoneka yiweme, kweni umaliro ndi nyifwa.”

<sup>387</sup> Sono wonani. “Mu chenechira Iyo wakuti, ‘Liphya—phangano liphya...’” Ine nkhugomezga, sono kuti... Yayi. Ine nanguwa pa malo ghaheni.

<sup>388</sup> Vesi 28.

*Pakuti dango likupanga wanarumi wasofi walara awo wali na mautechitechi; kweni lizgu la chirapo, leneilo likawako kufumira apo dango likayambira, likumupanga Mwana, uyo wali kukhalirira muyirayira.*

<sup>389</sup> Chiuta watumbikike muyirayira, wa Mwana uyo wakukhalirira muyirayira pamanyuma pa dongosolo la Melekizedeki. Ndipo Iyo wakawavye chiyambi. Iyo walije umaliro. Ndipo dango nthena likatondeka kupanga chinyake ngati icho, chifukwa likawa lakuthupi. Mpingo ungapanga chinyake yayi ngati icho, mabungwe, chifukwa igho ngakuthupi. M-maseminare ghangapanga yayi chinyake ngati icho. Iwo wakayezga kusambizga charu ku Ichi. Iwo wakayezga kuwunganiska ichi ku Ichi. Iwo wali kuyezga nthowa yiriyose mu charu, kuti wapange chinthu chirichose iwo wakakhumba, na kusezgeranga kumphepete chinthu cheneko: “Imwe mukwenera kuti mubabikire mu Ichi.” Chiuta wakumupangani imwe icho imwe muli, nadi, ntha chifukwa chakuti imwe mukareka kuchita *ichi*.

<sup>390</sup> Sono, wa Nazarene, imwe mukwenera kuvwaranga mphete yayi, imwe kuvwara koloko yayi, ndipo imwe mukwenera kuwa na vinthu *vyakuti-vyakuti*, mawoko ghinu ghakwenera kuwa ghatali kufika *ntheura*, malaya gha mawoko, masiketi ghinu ghakwenera kuwa ghatali *mwantheura*, ndipo a—ndipo wanarumi wangawanga mu loji yayi. Ndipo iwo wakubapatizenge yayi usange iwe ukuchita yayi. Viri makora. Apa wakwiza wa Katolika, ndipo iwo wali na vyawo. Ndipo apa wakwiza wa Methodist, iwo wali na vyawo. Waliyose wa iwo wali na chakupimira chakuti wakwaniriske. Usange iwe ukukwaniriska yayi ichi, viri makora, mbwenu kwamara. Mukuwona?

<sup>391</sup> Ndipo pamanyuma, kweni chinthu cheneko ndi, ndi ichi, “Palije icho ndanyamura mu mawoko ghane! Mwakuphweka nkhyugamira ku mphinjika Yinu. O Chiuta, wankhuli, wakupwetekka, nkhoso'weka wovwiri. O, ine nkhwiza mwakujikhizga chomene, Khristu, kuvumburanga kuti ine ndine kanthu yayi ndipo mulije kalikose mkatı mwane. Ndipokerereni ine, O Chiuta.” Pamanyuma Chiuta wakumupokererani imwe.

<sup>392</sup> Sono, panyake iwe ungamanya yayi nanga ndi ma ABC ghako. Iwe panyake ungapambaniska yayi khofi na zgama zakusuwa. Iwe panyake ungamanya, ungapambaniska yayi baka wa mudambo na luhera, woko lamaryero na lamazere. Ichi chikupanga mphambano yiriyose yayi icho iwe ukureka kumanya. Pali chinthu chimoza icho iwe ukwenera kuti

uchimanye, ntchakuti, Yesu Khristu wakatora malo ghako ngati wakwananga. Ndipo iwe tora malo ghako, kuti uyimirire mu urunji Wake, kuvumburanga dazi lirilose kuti ndiwe wakwananga, ndipo umutemwe Iyo na mtima wako wose, ndipo vyakulinga vyako vyose virunjike kwa Iyo, iwe wamufika Kuchanya. Ndicho chekha chiriko ku ichi, pakuti Umoyo uwo ukaŵa mwa Khristu ukwenera kuŵa mwa iwe, panji iwe watayika.

<sup>393</sup> Pambere tindajare waka, kasi imwe mukukumbukira phangano lambura kuti wachita chakuti ilo Chiuta wakapanga na Abraham? Kasi Iyo wakachita vichi mise ghara para Chiuta wakati, “Rekani ine ndiwone...” Para Abraham wakati, “Rekani ine ndiwone umo Imwe muchitirenge ichi.” Chipatulo 16, ine nkhugomezga ndicho ichi, cha Genesis. “Rekani ine ndiwone umo Imwe muchitirenge ichi.”

<sup>394</sup> Wakati, “Zanga kuno, Abraham.” Ndipo Iyo wakamutuma Abraham, wakati, “Ruta ukanditorere Ine a—mberererumi, ndipo ruta ukanditorere Ine a—a—mbuzi, ndipo ruta ukanditorere Ine kathole. Ndipo Ine nkhukhumba kuti iwe urute navyo kumtunda kula ndipo ukapereke sembe.”

<sup>395</sup> Ndipo Abraham wakaruta ndipo wakatora mberere, na a—na mbuzi, na a—a—mwanamberere, panji, thole. Ndipo iyo wakakoma ivi. Zose zikâwa sembe zakuphotoka. Ndipo wakazidumura pakatikati kupanga vипитика viwiri, ndipo wakavigoneka apo. Pamanyuma wakaruta ndipo wakatora nkundza ziwiri, ndipo wakaziponya mwenemula. Pamanyuma Abraham wakawona tuyuni tukufumapo pa izi, kulindizganga Chiuta kuti wafike. “Sono, Yehova, apo pali sembe, kasi Imwe muchitenge uli ichi? Ine nkhumanya yayi umo Imwe muponoskerenge munthu ku khumbo lake. Ine nkhumanya yayi umo Imwe muchitirenge ichi. Kasi Imwe muchitenge uli ichi, Yehova?”

<sup>396</sup> Yehova wakati, “Sono wona, Abraham. Iwe ndiwe muprefeti. Iwe ndiwe wauzimu, ndipo iwe upulikiskenge icho Ine nkhuyowoya.”

<sup>397</sup> “Viri makora, Yehova, ine nkhukhumba kuti ndiwone.” Sono ine nkhupanga waka seŵero.

<sup>398</sup> “Ntheura, Abraham, iwe kwera kuchanya kuno, ndipo khala pasi apa ndipo wona tuyuni utu tukufumapo.” Ntheura iyo wakadikizgira kutali tuyuni tose, mpaka zuŵa likayamba kunjira.

<sup>399</sup> Ndipo chinthu chakudankha imwe mukumanya, Chiuta wakiza. Para Iyo wakati wafika, Abraham wakayamba kugomphora. Chiuta wakati, “Abraham, Ine ndikugonekenge tulo iwe.”

<sup>400</sup> Sono tegherezga, mubwezi wadango. Wona, Chiuta wakamufumiskamo Abraham mu chithuzithuzi, pakaŵavye

chirichose iyo wakenera kuchita mu ichi. Ndipo umo ndimo Iyo wakakusangira iwe. Iwe ukati, “O, ine nkhamupenja Chiuta.” Iwe ukachita yayi.

<sup>401</sup> Chiuta wakapenja iwe, “Kulije munthu wangiza kwa Ine pekhapekha Wadada Wane wadankhe kumuchema iyo.” Mukuwona?

<sup>402</sup> Ndi Chiuta wakupenja iwe, ntha iwe kupenjanga Chiuta. Iwe ukachita yayi ichi. Kaŵiro kako nkakwanangika. Iwe ndiwe nkhumba. Iwe ukumanya mphambano yiriyoze yayi. Iwe ukukhala waka mu chitupa cha nkumba. Ndicho chekha iwe ukumanya. Iwe ukuchitemwa ichi. Ukumwa mowâ, ukuyingayinga, ukwendezgana na muwoli wa mzengezgani, ndipo ukuchita chirichose iwe ungamanya kuchita icho ntchiheni, chikuwoneka waka chiweme. “O, m’bale, ise tiri na nyengo yiweme!” Iwe ukughanaghana kuti njiweme.

<sup>403</sup> Kweni Chiuta wakukhung’uska pa mtima wako. [M’bale Branham wakutimba pa gome—Munozgi] Ichô ndicho chikusintha. Ntha iwe kukhung’uskanga pa Chiuta; Chiuta wakukhung’uska pa iwe. Adam ntha wakakhung’uska pa mtima wa Chiuta; Chiuta wakakhung’uska pa mtima wa Adam. Ndipo iwe ndiwe mwana wa Adam. Uwo mbunenesko. Pambere Adam wandaŵe mwana wa Chiuta, kamozaso, Chiuta wakenera kukhung’uska pa mtima wake. Pambere iwe undaŵe mwana wa Chiuta, Chiuta wakwenera kuti wakhung’uske pa mtima wako.

<sup>404</sup> Pamanyuma, Abraham wakagona tulo. Ndipo para iyo wakati wagona, kasi chinthu chakudankha chikâwa chivichi icho iyo wakawona? Wakofya mwakukwana, wakuzukumiska, wakuchitiska wofi, mdima. Iyo ndi nyifwa, iyo yikwiza pa mtundu wose wa wânthu. Pamanyuma iyo wakalaŵiska panthazi pachoko kuruska apo, ndipo iyo wakawona ng’anco yakusunkha josi. Pambere imwe mundâwe na josi, imwe mukwenera kuâwa na moto. Ndicho chifukwa ine nkugomezga kuti gehena ndi malo ghakugolera moto. Viri makora.

<sup>405</sup> Iyo wakawoneska, waliyose wa ise wati wafwenge, ndipo waliyose wa ise wakwenera kuti warute ku gehena, chifukwa ndise wâkwananga.

<sup>406</sup> Sono, kweni, kujumpha icho, iyo wakawona kuchoko, Kuŵara kutuâwa.

<sup>407</sup> Ndipo kuchoko uku, Kuŵara kutuâwa, kasi Kuŵara ndi vichi? Kasi Kuŵara kutuâwa kula kukaâwa vichi? Laŵi lira la Moto ilo likayenda panthazi pa wâna wâ Israel. Laŵi la Moto ilo likakumana na Paulos pa msewu wakuruta ku Damaseko. Laŵi la Moto ilo likamufumiska Petros mu gadi. Laŵi la Moto ilo liri munuo usiku uwu.

<sup>408</sup> Wamuyirayira yura, Chiuta wamuyirayira, Iyo Iyomwene wakayenda pakatikati pa sembe izi zakupikitika pakati, (o,

mwe), kumanyuma na kunthazi pa yiriyose. "Umo ndimo Ine ndichitirenge ichi, Abraham. Ndilawiske Ine, icho Ine ndichitenge. Ine nkhupanga phangano apa. Ndipo ine ndipangenge chirapo, kuti, kwakulingana na Mbewu, ine nditiwuskenge Muŵeyereri. Ine nipangenge phangano na nyifwa. Ndipo ine ndiyisuskenge nyifwa, mu thupi, chifukwa Ine Ndamwene ndizamkwiza kuzakayitora iyi. Abraham," wakati, "kwizira mu Mbewu yako, Abraham, ndizamkwiza, iwe uzamkuŵa dada wa charu, kwizira mu Mbewu yako. Ndipo na iwe pera yayi, Ine nkhupanga phangano ili na iwe, kweni Mbewu yako pamanyuma pa iwe." Iyo wakamumanya waliyose uyo wazamkuŵa. "Ntha *iwo*; kweni icho Ine nkhuchita. Ine ndizamuchita ichi, Abraham. Ine nkhamugomezga Adam, ndipo iyo wakaswa lake. Ndipo waliyose ūkuswa ghawo. Kweni Ine ndipangenge ili na Ndamwene, ndipo ndirapizgenege mwa Ndamwene, 'Ine ndisungirirenge Ili.'" Amen. Amen. Amen.

<sup>409</sup> Kasi ise tikuchita vichi, ise tikupanga phangano? Ine nkhuti, "M'bale Neville . . ." Sono wonani ichi, miniti pera. Ine nkhuti, "M'bale Neville, ndikuphalire iwe icho ine ndichitenge. Usange iwe upharazgenge mpaka . . . machero usiku, na usiku wakurondezgako, kurutirira mpaka pa Chitatu, ine ndizamupharazga, kufuma pa Chitatu, kurutirira mpaka pa Sabata." [Pa tepi palije kalikose—Munozgil] "Imwe mukupanga kuzomerezgana uko?"

<sup>410</sup> "Enya, bwana."

<sup>411</sup> Apa pali umo ise tikuchitira ichi. "Korako chasa, mnyamata." Ndicho ichi. Ilo ndi phangano mu America. Umo ndimo ise tikupangira phangano.

<sup>412</sup> Sono, kasi iwo ūkupanga uli phangano mu Japan? Ise tikupanga, tikuti, "Iwe uchite *chakuti-na-chakuti*," ndipo ine ndichitenge *chakuti-na-chakuti*." Ise tikutora mchere pachoko, chifukwa mchere ndi wakunoweskera. Ndipo ise tikutora mchere, ndipo ine nkhuponya uwu pa M'bale Neville, ndipo M'bale Neville wakutora mchere—mchere ndipo wakuponya uwu pa ine. Ilo ndi phangano lakumangilira.

<sup>413</sup> Kasi David Livingstone wakapanga uli phangano na mufipa wa ku Africa, kuti wanjire mu charu chake? Iyo wakaruta ndipo wakatora fumu, kuti iyo wajumphemo mwenemula, kuti wakapharazge Ivangeli na kukagwira ntchito. Ndipo iwo ūkatora kapu ya vinyo. Apa pali phangano na mufipa wa mu Africa. Iwo ūkawa na kapu ya vinyo. Ndipo fumu yifipa yikacheke misempha yake iyoyene, ndipo yikasulurizga ndopa mu kapu iyi ya vinyo. Ndipo David Livingstone wakacheka misempha yake iyomwene, ndipo wakasulurizga ndopa mu kapu ya vinyo. Iwo ūkavundura. Livingstone wakamwa hafu wa uyu, ndipo fumu yifipa yikamwa hafu wa uyu. Pamanyuma iwo ūkapasana chawanangwa, yumoza kwa munyake. Fumu

yifipa, David Livingstone wakati, "Kasi iwe ukukhumba vichi kwa ine?"

<sup>414</sup> Iyo wakati, "Chikhoti chituŵa icho iwe wavwara." Ntheura Livingstone wakavura chikhoti chake ndipo wakapereka kwa fumu yifipa. Iyo wakati, "Kasi iwe ukukhumba vichi?"

<sup>415</sup> Iyo wakati, "Mkondo wakupatulika uwo iwe uli nawo mu woko lako." Chifukwa, iyo wakamanya kuti iyo wakamanya kunjira na uwu, ntheura iyo wakatora mkondo ula. Ndipo iwo wakaŵa wabale, chifukwa iwo wakapanga phangano.

<sup>416</sup> Ndipo apo iyo wakarutanga, ndipo mitundu yikarotoka kuti yimukome iyo, iyo wakakwezga muchanya mkondo wakupatulika ula. Ndipo para iyo wakati wachita, iwo wakaławiska ndipo wakati, "O, o, ise tingamukhwaska yayi munthu yura." Chifukwa? "Iyo ndi m'bale wa phangano, nangauli iyo ndi mzungu, ise tiri kumuwonapo yayi iyo nakale." Iwo wakamanya yayi kuti iwo wakaŵa wafipa kufikira iwo wakamuwona iyo. Iwo wakaŵawonapo yayi wantheura nakale. "Kweni iyo ndi m'bale wa phangano. Iyo wali na mkondo wa fumu mu woko lake."

<sup>417</sup> Chithuzithuzi chiweme uli, muhanyauno, cha kumwa phangano la Ndopa za Fumu Yesu, na nkhongono ya Mzimu Mutuŵa pa ise! Ise tikuruta munthazi mu Zina la Yesu, ndipo vimanyikwiro ivi viŵarondezgenge iwo weneawo wali mwenemumo. Ndi Mkondo wakupatulika wa Fumu. Mukuwona umo ili liriri, phangano?

<sup>418</sup> Kasi iwo wakachita uli ichi mu nyengo yakale kuvuma? Iwo wakapanga chirapo, yumoza kwa munyake. Iwo wakakoma chikoko, wakaphwatura ichi, ndipo wakayimirira nkhanira pakatikati. M-wanarumi wâwiri wakayimirira pakatikati pa ichi, chikoko chakuphwaturika pakati. Ndipo iwo wakapanga phangano. "Usange ine nitondekenge kusunga *ichi*, usange ine nitondekenge kuchita *ichi*, chifukwa, *ichi* na *wakuti-na-wakuti*, rekani thupi lane liŵe ngati chikoko ichi chakufwa. Rekani thupi lane liŵe ngati chikoko ichi chakufwa." Ndipo para iwo wachita icho, iwo wakutora phangano ili ndipo wakuyimirira pakatikati pa *ichi*; wakupanga chirapo, wakupanga chirapo kuti iwo wachitenge ichi. Ndipo iwo wakukelura pepara, pamoza, pakatikati, ndipo wakupereka ili kwa munthu yumoza, linyake kwa munyake. Pa nyengo yinyake iwo wazamkukumana. Ndipo rekani iwo wafwe nyifwa, usange iwo watondekenge kusunga chirapo chira; na kuŵa ngati vikoko vyakufwa vira. Viri makora.

<sup>419</sup> Imwe mwaviwona vikoko vitatu? Chakufikapo; mwanamberere, mbuzi, na sembe zitatu zakufikapo. Kasi mwanamberere wakaŵa vichi... Kasi nkhunda yikaŵa vichi? Ndipo kasi nkhunda ziŵiri zikang'anamura vichi? Nkhunda ziŵiri zikaperekera vyose viŵiri chiponosko na machirisko, mu a—mu a...izo zikanjira mu iyi. Mukuwona?

Mphepisko zikapangika mwakulekana, kweni machirisko ghakarutirira chimozi, ndipo ntheura chiponosko chikarutirira chimozi. Nkhunda ziŵiri, ntha zakudumurika pakati, zikang'anamura kuti zikayimira, vyose viŵiri. Chiponosko... “Na vitimbo Vyake ise tikachizgika. Iyo wakapwetekeka chifukwa cha kwananga kwithu. Na vitimbo Vyake ise tikachizgika.” izi zikagonekeka kumphepete, ntha zakadumurika pakati. Kweni phangano, chigaŵa cha chikoko chikaŵa (vitatu vya ivi) vikadumurika pakati. Imwe mukuwona? Ntheura para iwo ūwakati ūwachita chira, iwo ūwakkelura ndipo ūwakapanga phangano lawo.

<sup>420</sup> Wonani icho Chiuta wakaphaliranga Abraham: “Pa Mphinjika, pa Mphinjika, kwakulingana na Mbewu yako. Kufuma mwa iwe wakababika Isaac, kufuma mwa Isaac wakababika *Wakuti-na-wakuti*, Jacob, kufuma mwa Jacob wakababika Joseph, kufuma mwa Joseph, kurutirira kukhira, kurutirira kukhira, kurutirira kukhira, ūwahaliri, mpaka, paumaliro, kwizira mu Mbewu yaurunji yira!” Yake...

<sup>421</sup> Iyo wakamalizga waka, apa, kuyowoyanga kuti Fumu yithu yikababikira mu mtundu uwo ukamanya yayi. Moses ntha nanga wakayowoyapo za ichi, wakababikira mu usofi. “Fumu yithu yikababikira mu fuko la Judah.” Ntha kufuma mwa Levi, pakuti iwo ūwakâwa ūwakusunga marango ghakuthupi. Kweni Fumu yithu yikababikira mwa Judah. Uchindami! Apo imwe muli. Uko phangano likapangika!

<sup>422</sup> Tegherezgani mwatcheru sono, apo ise tikuvara. Ndipo pa Mphinjika, Chiuta wakakhira ndipo wakatora thupi la Mwana Wake Yekha, mu leneilo Iyo wakakhala, ndipo Iyo wakaphwatura ili pakati pa Mphinjika. Kusulura ndopa Kwake, kupwetekeka, kudumurika, ndipo mkondo ukanjira mwenemula ndipo ukamuphwatura Iyo pakati, ndipo Ndopa Zake zikasulura. Ndipo Iyo wakati, “Wadada, mu mawoko Ghinu Ine nkhpereka Mzimu Wane.” Iyo wakasindamiska mutu Wake. Ndipo charu chikagwedegeka, ndipo ūwaleza ūwakathwanima, ndipo vidududu vikaduduma. Chiuta wakalembanga phangano Lake lambura kumara.

<sup>423</sup> Ndipo Iyo wakatora thupi Lake lakufwa kufuma mu dindi, pa dazi lakudankha la sabata, ndipo wakaruta nalo Kuchanya, ndipo wakalikhazika kula ngati Msofi Mukuru, ngati chikumbusko; wakhala kula, wakufikapo, wamuyirayira. Ndipo Iyo wakatuma Mzimu uwo Iyo wakatora mu thupi lira, nkhanira kuwerera pasi ku Mpingo. Ndipo Mpingo ula ukwenera kuti uŵe na Mzimu weneula uwo ukaŵa mu thupi lira, panji uwu uzamkujoyinana yayi na Uwu mu chiwuka. Vipitika viŵiri vira vikwenera kuti vijoyinane makoraghene pamoza. Ndipo usange Mpingo uwu ntha uli wakufikapo, nkhanira ndendende Mzimu weneula uwo ukaŵa mwa Khristu, imwe muzamuruta yayi mu Mkwatulo.

<sup>424</sup> Apo pali phangano lambura kumara, m'bale. Penjapenja ili, wamwene, ilo liri mu mtima wako wamwene. Temwa Fumu. Panikizga mwakukwana kuti ndiwe wakuponoskeka. Kuchita mwakuyezgapo waka yayi ichi. Iwe ukusewera. O, imwe, ise wantru wa mu America, tikutemwa kusewera, kweni kusewera pa Icho yayi. Imwe woneseskani kuti imwe mukuneneska. Ntha chifukwa chakuti imwe mukajoyina mpingo, kweni chifukwa chakuti imwe ndimwe wakubabikaso mu unenesko, Khristu wafika kwa imwe, mu Muntru wa Mzimu Mutuwa.

<sup>425</sup> Sono, kukhozgera waka, nachoso, apo ine nkujara. Umo ise tikwenera kuwa wakukondwa, kuwona Mzimu weneula uwo ukawa mwa Yesu Khristu, uli nkhanira pakati pithu, kuchitanga vinthu vyenevira ivyo Iyo wakachita para Iyo wakaawa pano pa charu chapasi! Umo ise tikwenera kuwa wakukondwa!

Tiyeni tirombe sono, apo ise tikusindamiska mitu yithu.

<sup>426</sup> Fumu, ili lakhala dazi likuru. Nangauli, ine nkhuwona ngati umo nyengo zose nkuchitira, ine nkutondeka. Ine nkutondeka kuchiyimira makora Ichi, Fumu. Ine nkhuromba kuti Imwe mundigowokerenge ine nthowa zane zakupusa. O, ine nkuvumbura zakwananga zane panthazi Pinu, ndipo nkhuromba lusungu, kumanyanga kuti kuli Msafi Mukuru wayimilira kula ku woko lamaryero la Chiuta, Kuchanya, Uyo ntha wakapangika kwakulingana na Aaron, kwakulingana na marango na vinthu. Kweni Iyo wakakhalkika Kula chifukwa cha uchizi wa Chiuta uyo wakalaawiska kunthazi, pambere charu chindaweko, ndipo wakandiwona ine pasi pano mu charu, ndipo wakafwira zakwananga zane, kuti wandiwezgereso ine ku Ufumu wa Chiuta. Ine nkhumuwongani Imwe, Wadada, pa ichi.

<sup>427</sup> Chifukwa, Mzimu uwu sono uwo ukuwusa mu wantru Winu ndi Wamuyirayira umu Chiuta waliri Wamuyirayira. "Ine nkhuwapa iwo Umoyo Wamuyirayira, Umoyo wamuyirayira, Umoyo wambura kumara, ndipo iwo wazamkuparanyika yayi." Ndipo pa Cheruzgo, iwo wazamkuwako yayi kula. Iwo wajumphya cheruzgo. Iwo waruta wanjira mu Uchindami. "Ndipo usange msasa uwu wa pa charu chapasi wapankhuka, ise tiri nawo kale umoza ukulindilira kuti ise tikanjiremo." Nkhumuwongani Imwe pa icho, Fumu.

<sup>428</sup> Ine nkhuromba sono, usange walimo yumoza muno, usiku uwu, uyo wachali wandamwepo Ndopa zeneko za phangano, uyo wakumanya yayi kasi Ichi chikung'anamura vichi, wakumanya yayi kasi kubabikaso chikung'anamura vichi, kuwa na wenenawene weneko na Khristu mu mtima wawo, panji mtima wake, nkhuromba iwo wamupokere Iyo sono nthema, apo ise tikulindizga na kuperekwa mwaawi uwu. Ndipo pa Dazi lira, ise tikuromba kuti ise taliyimirira Ivangeli mu Kuwara kwakwenerera. Ise tikuromba, mu Zina la Khristu.

<sup>429</sup> Apo ise tiri na mitu yithu yakusindama, kasi ungaŵapo wamunthu ungamanya kukwezga mawoko ghako kwa Khristu, na kuti, "Khristu wa Chiuta, mundilengere lusungu ine. Rekani ine, ngati muteweti Winu wambura kwenerera, sono ndipokere Mzimu Mutuŵa mu mtima wane. Ndipo mundipe chisimikizgo na chitemwa icho ine nkhosuwéka nadi"? Usange imwe nulije Uwu, uli imwe mukwezge waka mawoko ghinu kwa Iyo, kuti, "Fumu, ichi ndi chimanyikwiro kuti ine nkhuvukhumba Uwu"? Uli imwe mukwezge woko linu? Chiuta wakutumbike iwe kumanyuma uko, dona. Chiuta wakutumbike iwe uku, bwana. Wakutumbike iwe uku, bwana. Chiuta waŵe namwe. Icho ntchiweme. Mwanarumi uyu ku umaliro uku, Chiuta wakutumbike iwe, m'bale wane. Ndipo munyakeso, sono pambere ise tindajare, kulindizganga waka nyengo zichoko. Chiuta wakutumbike iwe kumanyuma uko, mnyamata. Walipo munyakeso?

<sup>430</sup> "Ine sono nkhukhumba. Ine nkhukhumba, Fumu Chiuta. Imwe mukumanya mtima wane. Imwe mukumanya icho chiri mu malingaliro ghane. Imwe, 'Mzimu wa Chiuta ngwachangu na wakuthwa kuruska lupanga lwakuthwa kuŵiri, nanga nkhuporota kuya kagawa pakati mongo wa viwangwa, ndipo Ngwakusanda maghanoghano gha mtima.'" Ghanaghanani za Icho. Iyo wakumanya maghanoghano ghinu, vyakukhumba vyinu.

<sup>431</sup> Uli iwe ukwezge woko lako? Yowoya, "Mundilengere lusungu ine, Chiuta, sono nthena. Ine—ine nkhukhumba kuti Imwe mumanye kuti ine ndine wakwananga, ndipo ine namanya ichi, kweni ine nkhukhumba kuti ndiŵe wakwenerera." Viri makora, apo ise tiri ūakusindamiska mitu yithu, kurombanga sono, ghanaghanani kanyengo waka. Ise tikukhumba yayi kuchimbilira za icho.

Jarawe la Miwiyo, likandibisa ine,  
Rekani ndijibise ndamwene mwa Imwe;  
Rekani maji na Ndopa,  
Vyakufuma kulwandi Kwinu...  
Viŵe vyakundisuka kwananga paŵiri...  
(Kuchizga paŵiri, Iyo wakarapizga mwa  
ichi, vinthu viŵiri vyambura kusintha.)  
Kundiponoska ku ukali na kunditzga ine.

Apo ine nkhusenderera...

<sup>432</sup> O Fumu, perekani sono nthena mwakuti ise tose timanye kuti mivuchi iyi yeneiyo ise tikuthuta yikumara. Ise tikumanya yayi kasi ngalinga ghakhalako kunthazi kwithu. Chose icho chiri mwa unjirikizgi Winu ukuru. Ichi chikumanyikwa na Imwe. O, mutilengere lusungu ise. Ndipo kwa iwo ūeneawo ūangukwezga mawoko ghawo, Fumu, palije chifukwa cha kuŵazunura iwo. Imwe mukumanya waliyose wa iwo. Kweni ine nkhupereka waka

lurombo ili la kuŵaweyererera iwo. Ine nkhuomba kuti Imwe mufumiskepo kususkika pa mtima wawo, ndipo zomerezgani iwo ūafike mwachikanga, sono nthena, ku Chizumbe; ūayende mwachikanga kuruta ku Chizumbe cha Chiuta, ūatore myawî yawo yakupika na Chiuta. Imwe mwangupangiska kuti iwo ūakwezge mawoko ghawo. Iwo nthena ūanguchita yayi ichi pa iwoŵekha. Ndipo ine nkhuomba, Chiuta, kuti Imwe muperekenge ichi mu Zina la Yesu. Amen.

...ndamwene mwa Imwe;

Sono, musopeni waka Iyo sono.

Rekani maji na... (O, mwe!)

Vyakufuma kulwandi Kwinu kwakuvulazika visefukire

Viŵe vyakundisuka ku kwananga pâwiri,

Kundiponoska ku ukali na kunditözga ine.

<sup>433</sup> Kasi mbalinga ūakupulika makora chomene sono? Kwezgani muchanya woko linu, yowoyani, “Yirumbike Fumu!” [Gulu likuti, “Yirumbike Fumu!”—Munozgi] O, Iyo ngwakuziziswa! O!

*Ghalipo Malo Pa Mbwiwi.* Kasi iwe ukuyimanya iyi, Mlongosi Gertie? Tiyen. Kasi mbalinga ūakuyitemwa sumu yira? Sono ise tiŵenge na chisopo cha ubapatizo, mu kanyengo waka. (Iwe uŵabapatizenge iwo?) Viri makora.

...malo, enya, ghalipo malo,

Ghalipo malo pa Mbwiwi gha iwe;

Malo, malo...

<sup>434</sup> Viri makora. Ŵanthu ūara ūakujipereka kuti ūabapatizike, ŵanarumi ūarutenge ku chipinda *ichi*, ŵanakazi ku chimoza *ichi*, viri makora, iwo ſeneawo ūabapatizikenge mu Zina lakutumbikika la Fumu yithu.

...ntchiweme kwa imwe,

Ghalipo malo pa Mbwiwi gha iwe;

Chiuta wakhala muweme chomene kwa ine,

Ghalipo malo pa Mbwiwi gha iwe.

<sup>435</sup> Waliyose sono:

Malo, malo, enya, ghalipo malo,

Ghalipo malo pa Mbwiwi gha iwe;

O, malo, malo, enya, ghalipo malo,

Ghalipo malo pa Mbwiwi gha iwe.

<sup>436</sup> O, ine nkhuylimwa sumu yakale yira. Mukuchita yayi imwe?

Ghalipo malo pa Mbwiwi gha iwe;

O, malo, malo, ghalipo malo ghanandi,

Ghalipo malo pa Mbwiwi.

<sup>437</sup> Sono, apo mulara wanjira, kuti wakanozgekere ubapatizo, ine nkukhumba kuti ndirongosore ku gulu. Ndipo ine ndifumbenge madikoni ghanyake, usange iwo ūwangandipulika ine mu chipinda, para iwo ūwanozgeka, ūzize ndipo—ndipo ūwandiphalire ine, ndipo nttheura ise tingamanya kusezga ma mayikurofoni. Ise tikukhumba kuti imwe mose muchiwone ichi. Uwenge pakunji kujumpfa maminiti khumi, ndipo mpingo ufumenge kuwaro.

<sup>438</sup> Sono ine nkukhumba kuti ndimuŵazgireni Malemba ghanyake ghakupatulika. Ine nkukhumba kuti ndighâwazge Igho kufuma mu Buku la Milimo. Ndipo ine nkukhumba kuti ndiyambire pa vesi 12 la chipatulo 2 cha Milimo.

<sup>439</sup> Sono, ine nkukhumba kuti imwe muwone mu chipatulo 16 cha Luka Mutuŵa, panji cha Mateyu Mutuŵa, ine nkugomezga ndicho ichi, kuti Yesu wakizanga kufuma ku phiri. Iwo... Wakayowoya ku ūwasambiri Wake, “Kasi ūanthu ūwakuti Ine Mwana wa munthu ndine njani?”

<sup>440</sup> “Ndipo ūanji ūa iwo ūwakati, chifukwa, Imwe ndimwe ‘Eliya.’ Ndipo ūanji ūwakuti Imwe ndimwe—Imwe ndimwe ‘Muprofeti.’ Ndipo ūanji ūwakuyowoya kuti Imwe ndimwe *ichi* panji *chinyake*.”

<sup>441</sup> Iyo wakati, “Kweni kasi imwe mukuti Ine ndine njani?”

<sup>442</sup> Ndipo Petros wakati, “Imwe ndimwe Khristu, Mwana wa Chiuta wamoyo.” Mbunenesko uwo?

<sup>443</sup> Yesu wakati, “Wakutumbikiika ndiwe, Simon Bar-yona, pakuti thupi na ndopa ntha vyakuvumbulira ichi. Iwe ntha ukasambira ichi ku seminare. Iwe ntha ukasambizgika Ichi na munthu.” Wakati, “Kweni Wadada Ŵane awo ūali Kuchanya ūvumbura ichi kwa iwe. Ndipo ine nkuyowoya kuti iwe ndiwe Petros. Pa jarawe ili Ine nditizengengepo Mpingo Wane. Vipata vya gehena vizamkuwutonda yayi Uwu. Ndipo ine nkuperekwa kwa iwe makiyi gha ku Ufumu wa Kuchanya.” Ndi unenesko uwo? “Ndipo chirichose iwe usuturenge pa charu chapasi, Ine ndisuturenge ichi Kuchanya. Icho iwe ukakenge pa charu chapasi, Ine nditikakenge ichi Kuchanya.” Kasi Iyo wakang’anamura Ichi? Iyo nthena wakayowoya yayi Ichi. Sono, apo nyengo yikarutanga, sono, Petros wakaŵa na makiyi gha ku Ufumu.

<sup>444</sup> Sono, imwe ūanthu Ŵakatolika, imwe panyake mungaghanaghana ichi, kuti imwe mukuti, “Mpingo wa Katolika uli kuzengeka pa Petros.” Viri makora, ise tifufuzenge. “Iwo ūwakâwa na makiyi. Mpingo wa Katolika uchali ndithu na makiyi.”

<sup>445</sup> Tiyeni tiwone icho Petros wakachita na makiyi, wonani, pamanyuma ise timanyenge. Baibolo likayowoya, kwa Petros na ku ūapostole ūnyake wose, “Rutani mu charu chose. Uyo yose mwamkumugowokera zakwananga zake,

kwa iwo zagowokereka. Uyo yose mwamkumugowokera yayi zakwananga zake, kwa iwo zamkugowokereka yayi.” Icho, ine panyake niyowoye ichi mwakuti... Munyake panyake wangapulikiska yayi icho ine nkhung’ anamura. Yesu wakayowoya ku wapostole, “Uyo yose mwamkumugowokera zakwananga zake, Ine ndiwigowokerenge iwo naneso. Ndipo uyo yose mwamkumugowokera yayi zakwananga zake, na kuŵerengera izi pa iwo, Ine niŵerengerenge izi pa iwo naneso.” Icho ndicho Yesu wakayowoya.

<sup>446</sup> Wonani mpingo wa Katolika ukusuntha kurazga ku icho.

<sup>447</sup> Kweni tiyeni tifufuze umo iwo wakachitira ichi. Ntheura usange ise tamanya umo iwo wakachitira ichi, ntheura ise tikwenera kuti tichite ichi munthowa yeneyira. Sono tiyeni tiwone.

<sup>448</sup> Ndi Dazi la Pentekosite. Mpingo ukuyambika. Iwo wose wakawa mu chipinda cha muchanya. Wantru wakiza kufuma mula, wakuyowoya viyowoyeroye vyakulekana. Chifukwa? Chiyowoyeroye chirichose kusi kwa Mtambo chikaŵamo mula. Chingerezi chikaŵamo mula, nachoso. Chiyowoyeroye chirichose kusi kwa Mtambo chikenera kuŵamo mula, chiyowoyeroye icho chikayowoyeka mu nyengo yira. Wakurutirira apa ndipo wakuphara viyowoyeroye vinandi, na umo wa Crete na walendo, na wakuphenduka wa ku Rome, na-na-na Waluya, ndipo wose wakuyowoya na kumukwe... Sono, iwo ntha wakayowoyanga malilime ghachilendo. Iwo wakayowoyanga viyowoyeroye vya kumanyikwa, ku wantru. Ntha malilime ghachilendo, kweni viyowoyeroye ivyo waliyose wakapulikiska. Wakwananga, wambura kugomezga, wakamanyanga kupulika icho iyo wakayowoyanga. “Kasi ise tikupulika uli mu chiyowoyeroye chithu taŵene cheneicho—cheneicho ise tikababikiramo?”

<sup>449</sup> Sono wonani. Sono fumbo likwiza. Sono, “Wanyake wakanyoza.” Vesi 12, viri makora.

*Ndipo iwo wose wakazukuma, ndipo... mu kukayika, wakayowoyanga yumoza kwa munyake, Kasi chikung’ anamurachi ichi?*

*Wanyake wakanyoza ndipo wakati, Aŵa... wakhuta vinyo muphya.*

<sup>450</sup> Iwo wakaŵaseŵereskanga iwo. Chifukwa, kasi iwo wakachitanga uli? Iwo wakayendanga mwazendazenda ngati wanarumi wakulowera, ngati wanarumi wakulowera. Kuyowoyanga, kwambura kumanya icho iwo wakayowoyanga, kweni wakapharazganga ku gulu mu viyowoyeroye ivyo iwo wakamanya yayi, kweni gulu likamanya. Mukuwona? Viri makora.

*Wanyake... wakati, Iwo wakhuta vinyo muphya, wonani umo iwo wakachitira.*

Ŵanyake ūkanyoza, kuti, *Aŵa . . . wazura na . . .*

“Kweni Petros . . .” Chenjera, mnyamata! Iwe uli na makiyi.

*Kweni Petros, chiyimilire pamoza na eleveni,  
wakakwezga lizgu lake, ndipo wakati kwa iwo, . . .*

Sono, kumbukirani, uku ndi kujulira kwakudankha kwa Mpingo.

. . . *Imwe madoda gha Yudeya, na . . . imwe  
mwaŵeneimwe mukukhala mu Yerusalem, ichi  
chimanyikwe kwa imwe, ndipo tegherezgani ku mazgu  
ghane:*

*Pakuti aŵa ūvalowera yayi, umo imwe  
mukughanaghanira, kuwonanga kuti ili ndi ora  
lachitatu la dazi.*

Mabara ghakaŵa għandajurike nyengo yira. Mukuwona?

*Kweni ichi ndi cheneicho chikayowoyeka na  
muprofeti Joel;*

. . . *kuzamkuchitika mu mazuŵa għaumaliro, wakuti  
Chiuta, Ine ndizamkupungulira Mzimu wane pa ġwanhu  
wose: pa ġwana īwinu ġwanarumi na . . . ġwana ġwanakazi,  
ndipo iwo ġwazamkuchima, ndipo ġwanyamata īwinu  
ġwazamuwona mboniwoni, ndipo madoda għinu  
ghażamulota maloto:*

*Ndipo pa ġwateŵeti ġwane na . . . ġwantchito ġwane  
ġwanakazi Ine ndizamkupungulira Mzimu wane mu  
mazuŵa ghara; . . . iwo ġwazamkuchima:*

*Ndipo ine ndizamkuwoneska vyakuziziswa kuchanya  
nkhanira, na vimanyikwiro mu charu chapasi; . . .*

Sono, ndi Petros wakupharazga sono, mweneuyo wali na makiyi.

. . . *ndopa, . . . moto, . . . mabingu għa josi:*

*Zuŵa lizamuzgoka mdima, . . . mwezi uzamuzgoka  
ndopa, pambere dazi likuru na lakofya la Fumu liti lize:*

*Ndipo kuzamkufiskika, kuti uyo yose wazamkuchema  
pa zina la Yehova wazamkuponoskeka.*

*Imwe madoda għa Israel, pulikani mazgu agha;  
Yesu wa ku Nazarete, munthu wakukhozgeka na  
Chiuta pakati pinu mwa minthondwe na vyakuziziswa  
na chimanyikwiro, cheneicho iyo wakachita . . . pakati  
pinu, . . . imwe mwaŵene . . . mukumanya:*

Mukuyowoya za kuchenya? Iyo wakawā na makiyi, imwe mukumanya. Kuŵa . . .

*Iyo, pa kuperekeka na mphara ya kusimikizga na  
kumanyirathu kwa Chiuta, . . .*

Apo imwe muli. Kasi Iyo nthena wakathaskika uli? Chifukwa Chiuta wakasankhirathu ichi kuti chizamkuwa ntheura. Mukuwona? Kumanyirathu kwa Chiuta!

<sup>451</sup> [M'bale wakuti, “Mwanozgeka?”—Munozgi] Mu kanyengo waka. Kuwaphalira iwo, lindizgani waka miniti pera, mpaka ine ndimalizge Lembra.

...imwe muli kutora, na mawoko ghaheni, muli kumupayika na kumukoma:

Mweneuyo Chiuta wali kuwuska, ndipo wakasutura vyakuwinya vya nyifwa: chifukwa chikawa chamachitiko yayi...iyo wakoreke na ichi.

Pakuti David wakayowoya kukhwaskana na iyo, ine nkhamuwonerathu Yehova nyengo zose...ku woko lane lamaryero, ndipo ine ndizamkusuntha yayi:

Ipo mtima wane ukasekerera, ndipo lilime lane likakondwa; kweniso...thupi lane lizamkupumura mu chigomezgo:

Chifukwa imwe ntha muzamkuwusida uzima wane mu gehena, nesi imwe muzamkuzomerezga Yumoza Mutuwa winu kuti wawone chivundi.

Imwe mwandipanga ine kumanya...zane—nthowa zane, nthowa zane za umoyo; imwe muti mundipange ine wakuzura na chimwemwe ndipo na chisko chane.

Madoda na wabale, rekani ine ndiyowoye kwa imwe mwakumasuka za sekuru David, ...iyo ndi vyose wali kufwa na kusungika, ndipo dindi lake liri na ise...dazi ili.

Ipo pakuwā muprofeti, ndipo kumanyanga kuti Chiuta wali kurapa na chirapo...

Ine nkhamalizga waka kupharazganga ichi.

...kuti kwakulingana—kwakulingana na vipaso vya m'chiwuno chake, iyo wangamanya...kwakulingana na thupi, iyo watu wamuwuskenge Khristu kuti wakakhale pa chizumbe chake;

Icho ine ndamalizga waka kupharazga. Petros kupharazganga chinthu chenechira.

Ndipo pakuchiwonerathu ichi (Muprofeti wakachiwonerathu ichi chindachitike.) wakayowoya za chiwuka cha Khristu, kuti uzima wake ukasidika mu gehena yayi, nesi thupi lake likawona chivundi.

Yesu uyu mweneuyo Chiuta wali kumuwuska, na cheneicho ise tose ndise wakaboni.

Ipo pakuwā wakukwezgeka, ndipo ku woko lamaryero...pakuwa ku woko lamaryero, wakakwezgeka kuchanya, wakati wapokera kufuma

*ku Ŵadada...phangano la Mzimu Mutuŵa, iyo... wakapharazga ichi, cheneicho imwe mukuwona na kupulika.*

*Pakuti David ntha wali kukwerera kuchanya, (muprofeti): kweni iyo wakayowoya iyomwene, YEHOVA wakayowoya kwa Fumu yane, iwe khala ku woko lane lamaryero,*

*Mpaka ine ndipange ūarwani ūako chitambaliro.*

*Ipo (tegherezgani ku ichi) rekani nyumba yose ya Israel yimanyiske makora, kuti Chiuta wali kumupanga Yesu mweneuyu, uyo imwe...mukamupayika, vyose Fumu na Khristu.*

Icho chikwenera kukhazikiska ichi, chichitenge yayi ichi?

*Sono para iwo ūakati ūapulika ichi, ūakwananga ūara, iwo ūakachontheka mu mitima yawo, ndipo ūakayowoya kwa Petros...Madoda...ndipo Petros na...wose...ūapostole, Madoda na ūabale, kasi ise tichite vichi?*

<sup>452</sup> Viri makora. Apa imwe muli. Kasi iyo wali na vichi? Kiyi, kiyi waku Ufumu. Kasi Ufumu ulinkhu? Uwu uli mkatni mwinu. Mbunenesko uwo? Mzimu Mutuŵa ndi Ufumu wa Chiuta. Ise tikumanya ichi. Ise tikubabikira mu Ufumu, ngati ūnenekokaya na ūakazembe. Wonani. Iyo wali na makiyi ku lwandi kwake. “Kasi imwe muchitenge vichi na ichi?” Iyi ndi nyengo yakudankha apo muryango ukajurika.

<sup>453</sup> Sono, fumbo lafumbika kwa mupharazgi, kwa nyengo yakudankha, mweneuyo wali na kiyi. Ine nkugomezga usange iyo wakati, “Yimilirani pa mutu winu,” icho chikati chiŵenge chakuzomerezgeka.

<sup>454</sup> “Chirichose iwe ukakenge pa charu chapasi, Ine ndikakenge ichi Kuchanya.” Viri makora. “Chirichose iwe uyowoyenge, Ine ndiyowoyenge chinthu chenechira. Iwe uli na kiyi.” Viri makora. Iyo wakunjizga kiyi mu chijaro.

...Kasi imwe mukuchita vichi? *Madoda na ūabale, kasi ise tichite vichi?*

*Sono para iwo ūakati ūapulika ichi, iwo ūakachontheka mu mtima wawo, ndipo ūakati... Madoda na ūabale,...*

...Petros wakati kwa iwo, Rapani, ndipo mubapatizike waliyose wa imwe mu zina la Yesu Khristu kuti zakwananga zinu zigowokereke, ndipo imwe mupokerenge chawanangwa cha Mzimu Mutuŵa.

*Pakuti phangano ndinu, na ku ūana ūinu, na kwa iwo ūneawo ūali kutali, nanga ndi ūanandi awo Fumu Chiuta withu wati wachemenge.*

Chira chikakhazikiska ichi muyirayira. Kulije wanthu wanyake, mu nyengo yiriyose, wangamanya, wangasuska Ich.

<sup>455</sup> Mpingo wa Katolika wayambika, m'malo mwa kuchita kubizga, iwo wakawazga. M'malo mwakugwiriska ntchito Zina la Yesu, iwo wali kutora, "Dada, Mwana, na Mzimu Mutuwa." Ntha chikasambizgikapo mu Baibolo.

<sup>456</sup> Munthu waliyose, kufumira nyengo yira na kunthazi, wakabapatizika mwakuchita kubizgika mu Zina la Yesu Khristu. Ndipo wanji wakabapatizika mwakuchita kubizgika na Yohane Mubapatizi, uyo wakabapatiza Yesu, ndipo Paulos wakaŵaphalira iwo kuti iwo wângapokera yayi Mzimu Mutuwa ngati ntheura. Iwo wâkayenera kuti wafikeso na kubapatizika, kamozaso, mu Zina la Yesu, pambere iwo wândapokere Mzimu Mutuwa. Kasi mbalinga wakumanya ilo ndi Lemba? Milimo, chipatulo 19. Apo imwe muli. Chifukwa, Ufumu wa Kuchanya ntha ukadidimizgikira ku nthowa yinyake yiriyose, mwa chirapo mwa Yesu Khristu, kuti yira yiti yiŵenge yakuzomerezgeka Kuchanya.

*...Rapani, ndipo mubapatizike waliyose wa imwe mu zina la Yesu Khristu kuti zakwananga zinu zigowokereke, ... imwe mupokerenge chawanangwa cha Mzimu Mutuwa.*

*Chifukwa, phangano ndinu, na ku wana ŷinu, ... kwa iwo weneawo wali kutali, nanga ndi wanandi awo Fumu Chiuta withu wati wachemenge.*

Amen. Tiyen tirombe.

<sup>457</sup> Wadada Chiuta, usiku uwu, virimika nayintini handiredi na chakuti vyajumpha, kweni kugomezgeka na kuchindikika kwa mitima ya wanthu vichali kulirira kwa Chiuta, umo wana wâkulirira mkaka wa bere la mama wawo. Ise tikumutemwani Imwe, Fumu. Ise tingakhala yayi kwambura Imwe. Umo David wakayowoyer, "Uzima wane ukukhumba Imwe, umo mbaŵala yikuŵewefukilira maji." Iyi yikwenera kuti yimwe Agha, panji kufwa.

<sup>458</sup> Ndipo, Wadada, ise tayenda mu Malemba, kumanyuma na kunthazi. Ntha kuwa wakususka, kweni ise tikuwona maseminare agha, wanthu wakusambizgika via uchiuta aŵa muhanyauno, awo wakupharazga kwakulingana na marango gha wanthu, ndipo ntha marango gha Chiuta. Ipo, Fumu, ise tikuŵatinkha yayi wanthu wâra, kweni ise tikatinkha vinthu ivyo iwo wakusambizga. Ipo, Fumu, ise tikuromba kuti iwo wâwe m'bale withu. Ise tikuromba kuti Imwe muŵagowokere kwanangiska kwawo. Ndipo ise tikuromba kuti iwo wafike ku Lemba, wâwazge Ili, ntha umo seminare yinyake yikusambizgira Ichi, kweni kwakulingana na umo Chiuta wali kulembera Ili.

<sup>459</sup> Ise tikuromba, Chiuta, sono, kuti wakujiperek aŵa awo wakwiza usiku uwu ku ubapatizo wa maji, apo mliska withu

wachikanga wakwiza ku gome ili kufuma uku, kuti wapharazge Ivangeli, Ivangeli leneili, ndipo pamanyuma kuruta ku chiziŵa cha kubapatiziramo, kuti tiŵasunge, perekani, Fumu, mwakuti waliyose wa aŵa wapokere Mzimu Mutuŵa, chifukwa Imwe mukapereka phangano, "Imwe mupokerenge Mzimu Mutuŵa." Nkhuromba Mzimu wa Chiuta ulindizgenge pachanya pa maji, kuti upokerere wakujipereka usiku uwu, pakuti ise tikuŵapereka iwo ku mawoko Ghinu, mu Zina la Yesu Khristu. Amen.



*ŴAHEBERE, CHIPATULO SEVENI* 2 CTK57-0922E  
(Hebrews, Chapter Seven<sup>2</sup>)  
MAUPHARAZGI GHA BUKU LA ŴAHEBERE

Uthenga uwu wakupharazgika na M'bale William Marion Branham, pakudanga ukaperekeka mu Chingerezi pa Sabata kumise, Seputembara, 22, 1957, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembe ka na kugawika na Voice Of God Recordings.

CHITUMBUKA

©2022 VGR, ALL RIGHTS RESERVED

VOICE OF GOD RECORDINGS, MALAWI OFFICE  
P.O. Box 51453, LIMBE, MALAWI

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuŵa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyeroy vinyakhe, panji kuligwiriska ntchito pa kupempheskera ndalamu kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)